

刑
案
匯
覽

刑案匯覽卷四十三

目錄

毆期親尊長

被毆掙脫跌斃胞兄簒商夾簒

被毆搶抵適斃胞兄應准夾簒

抵格適斃期功尊長應准夾簒

救母誤斃毆母之兄止准夾簒

救母嚇斃胞兄致斃應准夾簒

救母殺兄母雖未傷應准夾簒

兄弟二人致死胞兄情輕夾簒

救父情切毆死胞伯止准夾簒

先因疑賊後因抵格道斃兄命

毆姪誤殺兄不得照犯時不知

弟兄毆死胞叔一致死一誤傷

聽從伊父致死胞叔分別夾簒

聽從伊父毆死胞叔其父擬徒

聽從母命謀死淫惡蔑倫胞兄

因竊敗露父誤殺子誤殺兄圖賴

聽從父母謀殺胞兄分別夾簽

聽從母命推溺胞兄致斃夾簽

勉從舅毆期尊至死應准夾簽

先毆胞叔一傷後從祖命毆斃

退跌適斃先有鬪情照律擬斬

戳斃胞兄情無可憫不准夾簽

被揪推跌胞婦致斃不准夾簽

回戳功兄誤斃胞婦不准夾簽

回毆胞兄並非無心不准夾簽

適斃期功情係干犯不准夾簽

毆死胞兄傷多且重不准夾簽

致斃胞伯下手傷重似非無心

謀殺親屬相盜尊長不准夾簽

供詞兩岐審明再行夾簽

有心嚇戮無心抵戮分別夾簽

奪刀扎斃兄命應分有心無心

向毆適斃兄命毆審是否有心

毆死罪犯應死之兄駁令夾簽

誤傷外祖母身死應援例夾簽

兄故殺犯尊弟姪救父毆傷叔

聽從父毆叔折傷加罪止於流

聽從伊父擦瞎胞叔眼睛

挾嫌主令次姪砍傷長姪成廢

戳瞎胞姪兩目成篤

因回毆堂兄誤傷胞叔成廢

欲圖多分家產謀殺四歲幼弟

挾嫌毆死胞弟並故殺其幼子

胞叔胞兄圖用財禮謀殺卑幼

聽從胞叔謀死胞弟

聽從雞姦之人謀殺胞弟滅口

尊長殺死爲匪卑幼分別科罪

故殺爲匪卑幼應照例文減罪

祖護外姻故殺行竊大功堂弟

因玷辱祖宗殺死爲匪大功弟

故殺放火之小功堂弟

毆死放火尋毆之小功堂姪

將放火之大功弟捆縛凍斃

聽從伊父毆死嗜酒逞兇之弟

聽從伊母勒死行竊爲匪胞弟

幫同族人毆死怙惡不悛之子

謀殺逆倫卑幼從犯亦屬卑幼

無服族長活埋忤逆應死族婦

母將爲匪子送責被族長責斃

毆死推跌伊父之胞弟

毆死頂撞伊母之胞弟

因被胞弟刃傷奪刀還戳致斃

被弟拳毆一傷用刀回扎致斃

有子又繼胞姪未便照胞兄論

刑案匯覽卷四十三

毆期親尊長

被毆爭脫跌斃
胞兄養商夾養

卑幼擅取財物
胞伯趕毆跌斃
並毆尊長致
令自盡案俱載
威逼人致死條

蘇撫題殷世泰毆傷胞兄殷世華身死一案據江
南道御史簽稱查服制命案向來法司夾簽聲請者
或因尊長本犯應死卑幼一時激於義忿致斃者或
係忤逆父母卑幼聽從父命及救父情切毆傷致死
等項原以尊長本屬有罪之人而卑幼迫於情形並
非無故逞兇干犯是以量為未減至該撫所引卑幼
誤傷尊長至死仍准敘明情有可原之例自係著重

誤傷二字專指與平人鬪毆一時無心誤傷在旁尊
長至死者而言卽如平人鬪毆而誤殺旁人之類今
殷世泰因索牛起釁經胞兄殷世華扭住斥責其非
並未毆打成傷該犯不得謂之情急輒用力掙扯以
致殷世華側跌倒地扛傷右肋搥傷顙門身死雖無
兇惡之狀實有鬪殺情形況對面彼此相爭更不得
謂之誤殺卽凡人有此情節亦難按誤殺律定擬若
謂其死出無心卽可倖邀末減如果胞兄之死係該
犯心思所及則故殺之罪更重又非斬決所可蔽辜

案關服制本道職任法司有會核刑名之責就意見所及遵

旨先行向部簽商倘貴司向有成案可援亦望查明賜覆以便彙題等因本部查例載毆死有服尊長情輕之案該督撫按律例止於案內敘明不得兩請法司會同核覆亦照本條擬罪核其所犯情節實可矜憫者夾簽聲明恭候

欽定此係乾隆十三年定例凡遇情輕之案俱引此條辦理又卑幼誤傷尊長至死罪干斬決審非逞兇干犯

仍准敘明可原情節夾簽請

旨此係二十一年定例凡遇誤傷至死之案俱引用此條
辦理是情輕及誤傷至死各案均例應夾簽法司核
擬時各按服制本條擬罪照例夾簽請

旨恭候

欽定不惟情輕者得以照例夾簽卽尊長理曲被毆身死
之案亦得援例聲明此等案情奉

旨九卿定擬改爲監候者亦有奉

特旨卽改監候者誠以按例擬罪者乃一定之法而夾簽

聲明者爲

聖明法外之仁檢查本部歷年辦過此等成案難以枚舉
卽如乾隆六十年奉天省民人吳添幫被胞兄吳添
富揪衣欲毆該犯掙脫致吳添富被搥受傷身死經
本部會同都察院大理寺夾簽聲明奉

旨九卿議奏改斬監候又四用省民人戴仕祿因胞兄戴
儒宗令將公共荒山讓伊墾種不允被罵並舉鋤向
毆該犯奪鋤跑避復被拾棍向毆該犯用鋤抵格致
傷其偏左倒地殞命亦經三法司會同夾簽聲明卽

奉

旨改爲監候亦在案此案殷世泰係殷世華分居胞弟殷世華會借殷世泰銀三兩將牛作押嗣因無牛耕田復向借用及殷世華耕種事畢殷世泰自欲翻犁往向索牛適殷世華外出向其媳左氏說明拉回殷世華聞知往索趕至向斥並將殷世泰揪住欲毆殷世泰掙脫逃走詎殷世華立脚不穩倒跌倒地被石打傷右肋等處次日殞命該撫將殷世泰依律擬斬援引誤傷至死之例具題本部核其情節並非誤傷其

因掙脫以致失跌身死正與情輕之例相符該撫所引誤殺之例本係誤會且該撫疏內只應聲敘可原情節本可毋庸引例是以本部將該犯依律擬以斬立決援引情輕之例夾簽請

旨查殷世泰於伊兄向借銀兩時必須將牛作押因少致睦之風然分居各爨在自食其力之鄉愚亦難責以解推之義即使賣之亦罪不至死況殷世泰於上年冬底農隙時將牛押銀業已間養數月迨三月耕作方與伊兄需用仍行借與使用尙無不顧伊兄之情

伊兄耕種已畢既未照原借時所言卽行送還該犯
因自需翻犁始往牽回亦非只知自利之徒乃伊兄
聞知卽往索討並斥其拉回之非該犯剖辯又被揪
住欲毆如謂該犯借銀押牛有干不悌而伊兄於耕
種已畢之後卽非押銀借用之牛經伊弟牽去耕作
而必趕往斥責亦失友愛之道是該犯兄弟均屬鄉
愚不可以理論也惟執其情形而細按之該犯被兄
斥責向其剖辯是言理而非頂撞迫被扭欲毆掙脫
逃避致兄失跌扛傷斃命則掙脫由於被毆跌扛非

被毆塘抵適
胞兄應准夾簽

因推抵若謂伊兄扭毆時該犯並未受傷力拚致跌
卽屬不合家語云小杖則受大杖則走子之事父尙
不爲非兄弟之與兄何能責其束手受毆一任其兄
暴怒相陵而不得掙脫也是該犯於伊兄並無逞兇
干犯之情核與夾簽之例相符理合簽覆
嘉慶元年
詔帖
江西撫 題胡狀用刀塘抵致傷胞兄胡毛身死一
案此案胡狀因胞兄胡毛先曾用伊錢文未償嗣該
犯見伊兄胡毛有錢向索被其掌毆右腮腴維時該
犯正用刀切菜負痛情急舉刀塘抵適傷胡毛偏右

越八日殞命核其情節釀起死者先毆該犯負痛情
急搪抵一傷適斃與無故逞兇干犯者有間自應照
例夾簽

嘉慶二十五年說帖○成案錄後

嘉慶十八年八月四用省題龍幸春格砍胞兄龍幸
林身死一案查龍幸春因胞兄龍幸林以從前所
分耕牛倒斃欲將該犯牛隻牽去作抵該犯分辯
龍幸林不依强行拉走該犯攔阻被其掌殿左臉
該犯閃避復被拾石向毆該犯情急用刀格砍將
石塊格落不期砍傷其右額角殞命該督聲明並

非有心干犯經本部照例夾簽題結

又十八年十月四用省題袁錦太用刀格護致傷大功兄袁錦耀身死一案查袁錦太因大功兄袁錦耀回伊索討代借錢文該犯央緩袁錦耀不依畧其騙賴該犯分辯袁錦耀拾刀向砍該犯奪刀過手復被扭辯按亂毆該犯掙不脫身用刀格護不期失手殺傷袁錦耀右腿殞命該督聲明並非有心干犯經本部照例夾簽題結

浙撫題吳定文毆傷大功服兄吳定邦身死一案

抵格適豬期功
尊長應准夾簽

查期功尊長追毆卑幼而卑幼因被追毆情急抵格
一傷適斃若非有心干犯者向俱照律擬罪夾簽聲
請歷有成案可循今此案吳定文因胞兄吳定廣被
大功服兄吳定邦按倒擦傷脊背負痛喊救該犯上
前趨勸吳定邦疑其幫護卽用木棒毆傷該犯右後
肋該犯負痛逃跑吳定邦趕上復用木棒向毆該犯
情急順用木柱抵格適傷其偏右殞命核其情節係
屬被毆抵格一傷尙非有心干犯旣據該省援例聲
明該司照議夾簽似可照辦謹將歷年辦過各成案

繕單呈

問 嘉慶二十二年說帖○成案錄後

十九年貴州省題黃定隴毆傷小功服叔黃光甲身
死一案查黃光甲盜砍該犯之父所種杉木賣得
銀兩使用該犯查知向論黃光甲情虛躲避該犯
因係堂叔盜賣未經告官嗣該犯攜鋤往田放水
途遇黃光甲欲令退還木價黃光甲生氣舉擔向
毆該犯用鋤柄格傷其右臂膊逃跑因其持擔追
毆該犯情急回身用鋤頭攔格適傷其右脇殞命

將該犯依律擬斬立決聲明尙非無故干犯照例
夾簽改斬監候

又四川省題黃景淳毆傷胞兄黃景道身死一案查
黃景道令該犯借錢給其使用該犯答以無錢被
其抓辦按地並用拳毆傷胳膊脊背該犯掙起逃
跑黃景道執棒趕毆該犯情急願拾鐵鋤用背向
後抵格適傷其額顱殞命將該犯依律擬斬立決
聲明被毆情急抵格適斃尙非有心干犯照例夾
簽改斬監候

又四川省題王正舉毆傷胞兄王正坤身死一案查該犯因向胞兄王正坤索討贖取分種園田錢文無償見其喫飯該犯用碗向鍋內取食王正坤斥阻取棒趕毆該犯情急取棍回格致傷其額門殞命將該犯依律擬斬立決聲明被毆情急他物抵格適斃尚非有心干犯照例夾簽改斬監候

又江西省題杜應孫毆傷胞兄杜斗文身死一案查杜斗文借該犯犁鋤耕用損壞當同理論杜斗文斥伊小器致相爭鬭被其揪辮按毆該犯捫不脫

身情急願舉兩拳拑抵致傷其左右脇殞命將該犯依律擬斬立決聲明被按情急拳抵適斃尙非有心干犯照例來簽改斬監候

又二十一年四川省題陳幗全戳死胞兄陳幗品一案查陳幗全因胞兄陳幗品令伊前往挑錢該犯答以喫飯再去陳幗品斥伊嘴強卽用鐵鎚毆傷該犯額顱並抓傷項頸該犯見其兇橫進房躲避陳幗品取刀追趕該犯恐被戳傷將刀奪過陳幗品復取棒回毆該犯用刀抵格致傷其左脇殞命

收母誤斃母
之兄上准夾簽

將該犯依律擬斬立決聲明抵格一傷追斃尙非
有心干犯照例夾簽改斬監候

廣東撫 題陳順盛誤傷胞兄陳順振身死一案查
例載卑幼誤傷尊長至死罪干斬決審非逞兇干犯
仍准敘明可原情節夾簽請

旨又毆死本宗期功尊長核其情節實可矜憫者夾簽聲
明恭候

欽定又期親弟妹毆死兄姊之案如死者淫惡蔑倫復毆
罵父母經父母喝令毆斃者定案時仍照律擬罪法

司核擬時照王仲貴之案隨本改擬杖一百流三千

里請

旨定奪其毆斃罪犯應死兄姊與王仲貴案內情節未符者仍照毆死尊長情輕之例照律擬罪來簽聲明不得濫引此例各等語詳釋例意誠以服制攸關未便輕議未減必實係情可矜憫者始得夾簽聲請又必實係死者淫惡蔑倫復毆害父母經父母喝令毆斃此等三項兼全之案與王仲貴之案情節相符者始得改擬杖流故例內復聲明與王仲貴案內情節未

符者不得濫引此例等語界限分明不容牽混歷來胞兄罪犯應死其弟將其毆傷致斃並非有心干犯之案均係由新決夾簽改爲斬候每年秋審內似此案件正復不少此案陳順盛因胞兄陳順振向伊母聶氏爭晒茶子未允陳順振出言頂撞並將伊母所晒茶子踣踏伊母氣忿拾杙向毆陳順振奪杙頂住伊母胸前伊母喊救叩順盛聞聲趨救喝不放手伊母愈加叫喊陳順盛情急用手拉杙致杙柄退後誤傷陳順振腎囊殞命原題內聲明該犯陳順盛情切

救母不特初無毆兄之心且並無毆兄形狀其拉杌
退後誤傷胞兄斃命實出意料之外援引汪應鳳王
仲貴免死減流之案候部請

旨定查等因查汪應鳳之案係奉

旨特加恩宥並未纂入例冊至王仲貴一案已經纂入現
行則例遵行如果案情與王仲貴迥相符合自應援
引辦理現查此案陳順盛胞兄陳順振用杌頂住伊
母胸前該犯救護拉杌致杌柄誤傷伊兄致斃是死
者罪犯應死該犯因救母誤傷其情固不無可原惟

伊兄究無淫惡蔑如情事又非伊母喝令毆打核與
王仲貴之案情節未符若謂其情切救親事在危急
則救護致斃本宗鄉尊者定例尙須聲請減軍斷無
期服尊長遂可以救親情切聲請減流之理若謂其
初無毆兄之心亦無毆兄情狀則該犯手奪杵柄並
非耳目所不及思慮所不到礙難以過失科斷卽以
誤傷而論尋常誤殺情輕者尙無隨案減等之條轉
將服制之案竟從寬典尤未允協衡情成讞自應依
情可矜惻例來結聲請爲允奉

救母嚇殺胞兄
致斃應准減笞

批祇應夾簽聲請律是交司照辦
道光三年說帖

江蘇司 查此案吳繁猴因胞兄吳鴻猴將伊母姚氏推跌倒地並持刀欲行拚命該犯將刀奪獲走開嗣吳鴻猴復向伊母扭毆該犯恐母受傷舉刀嚇殺不意吳鴻猴向該犯撲毆該犯收手不及致刀尖戳傷吳鴻猴左乳殞命查吳鴻猴推毆其母本屬罪犯應死該犯恐母受傷舉刀嚇殺適斃實係情切救護尙非有心逞兇干犯核與毆死期功尊長情輕夾簽之例相符自應照例夾簽

嘉慶十五年說帖

教母殺兄母雖
未傷應准夾簽

福建司 查兄弟二人毆死期親尊長不分首從擬
斬立決之案應核其所犯情節實可矜憫者均照例
夾簽聲請檢查嘉慶十二年本部題覆河南省吳四
與弟吳五活埋胞兄吳洪謀一案將吳四吳五均依
律交遲處死因該二犯係勉從母命活埋逆倫應死
胞兄援例夾簽聲請奉

旨九卿議奏經九卿將該二犯改爲斬監候題結在案今
福建省題重元康重元言毆死胞兄重元炯身死

職

等詳核案情重元炯將公共杉木私賣與人伊繼母

周氏查知斥罵並欲索分木價童元炯以周氏並非親母出言頂撞不允分給周氏扭住童元炯欲毆童元炯將周氏推跌倒地自被帶跌跪傷周氏左胳膊周氏喊救童元言童元康聞聲趕護童元言因推勸不開毆傷童元炯胸脰并抬石毆其右手腕將周氏扶起周氏哭罵童元炯復向周氏撲打維時童元康在童元炯身後一時情急接取柴棒連戳童元炯右腰眼倒地搥傷偏左等處越日殞命查童元炯毆打其母係屬逆倫罪犯應死茲二犯聞母喊救趨護將

兄弟二人致死
胞兄情輕來簽

其毆殺致斃實係救母情切該省將該二犯照律俱
擬斬立決聲明救母情切該司按例來簽核與律例
及成案均屬相符似可照辦奉

堂諭以童元言一犯實係救親情切可以來簽童元康

一犯並非事在危急仍應照例科斷

職

等復悉心詳

核此案就後半情節而論已死童元炯向伊母周氏
撲打並未受傷該犯童元康輒棒毆胞兄童元炯斃
命似不得謂之救母情切惟就全案情節通盤閱核
童元炯先將伊母推跌帶跌跪傷又拾石毆傷周氏

右肩甲實係逆倫罪犯應死之人童元言以推勸不
開毆傷童元炯胸膛等處將周氏扶起哭罵童元炯
復向周氏撲毆維時童元厘在童元炯身後目擊伊
母已被童元炯毆傷而童元炯又復逞兇撲毆該犯
急於救母惟恐伊母之復被毆傷並不暇計及後此
被毆之尙未成傷若必待伊母復被毆傷而後救護
似非爲子者所宜居心同一護母而該犯獨爲逆倫
之兄實抵揆之情理亦未允協再四公商似應夾簽

嘉慶十六年說帖

救父情切毆死
胞伯止雅夾發

貴撫 題姚仕俊救護情切毆傷胞伯姚廣虞身死
一案查例載人命案內如父母被人毆打實係事在
危急其子救護情切因而毆死人者於疏內聲明分
別減等援例兩請候

旨定奪又毆死期功尊長罪干斬決之案核其所犯情節
實可矜憫者夾發聲明恭候

欽定各等語此案姚仕俊因胞伯姚廣虞欠伊父姚翠虞
羊價銀兩未償姚翠虞向索爭鬧伊兄姚仕學攔勸
被姚廣虞刀戳右肘等處跌倒姚翠虞向其奪刀

亦被姚廣虞刀戳右肋倒地喊救姚廣虞復刀戳姚
翠虞右胳膊該犯聞喊取棒走出見父兄受傷在地
姚廣虞猶轉身持刀向伊父欲戳該犯情切救護用
棒向毆適傷其腦後殞命伊父姚翠虞旋亦因傷身
死查該犯見父受傷倒地情切救護確係事在危急
且伊父已因傷斃命該犯實可矜憫此等情節在凡
人例應隨本聲請減流係服制攸關之案自應照情
可矜憫之例來簽聲請

嘉慶二十一年說帖

福撫 題林糾悌致傷胞兄林阿登身死一案此案

元因疑賊後因
賊格適斃兄命

林細梯因胞兄林阿登乘夜赴山偷伊地瓜適該犯
林細梯攜帶木棍前往尋查望見一人蹲地挖掘疑
係竊賊從後趕至用棍向毆致傷林阿登腦後滾跌
下坡擦撞傷額角等處林阿登聲喊該犯聽聞聲音
始知誤毆畏懼回家關門躲避林阿登趕回斥罵用
木擔拄撞門進內向該犯亂毆該犯情急順手暗摸
柴刀抵格適傷林阿登食氣緊越七日殞命查林細
梯初因疑賊用棍將伊兄毆傷係屬犯時不知並非
有心干犯迨伊兄趕回用擔拄撞門進內向該犯亂

廠該犯情急順摸柴刀抵格適傷致斃亦非無故逞
兇該司將該犯林細悌依弟毆胞兄死律擬斬立決
援例夾發應請照辦惟此案情節應照情輕之例夾
簽聲明今夾簽內援引誤傷之例似未允協謹於稿
內更正
道光元年說帖

國姪誤殺兄不
得照犯時不知

直督 咨李世得黑夜追毆服姪李柱誤扎胞兄李
世富身死可否照犯時不知之律問擬咨請部示一
案查律載本應罪重而犯時不知者依凡人論註云
謂如叔姪別處生長素不相識姪打叔傷官司推問

始知是叔止依凡人鬪法又例載卑幼誤傷尊長至
死罪干斬決審非違兇干犯仍准敘明可原情節夾
簽請

旨各等語檢查歷年辦過成案或因爭鬪或因捕賊誤傷
期功尊長均依卑幼毆死尊長本律擬以斬決夾簽
聲請改斬監候各在案惟卑幼捉姦誤殺犯姦之尊
長而誤殺者原其義忿之真情卽准照犯時不知律
科罪向亦辦有成案其餘因鬪誤傷照本律夾簽之
案不一而足此案李世得因伊兄李世富之義子李

柱向伊索欠爭毆李柱奔逃該犯攜刀追至其門首
適李世富出視維時天色昏黑看視不真又因羣犬
相吠無從聽聞其兄聲音誤認為李柱隨用刀向扎
致傷李世富左腿殞命核其情節李柱業已被毆奔
逃該犯仍攜刀追趕卽欲逞忿於姪亦應將所欲毆
之人揪住認明縱不料係伊兄豈不慮傷及無干之
旁人旣據訊明並未見有他人又未聞有他人聲音
則是見聞已確何致傷及其兄如果供情確鑿則因
毆致誤自應照誤殺胞兄本律辦理向來各省卑幼

因與人爭鬪或黑夜捕賊而誤殺期功尊長之案均照本律擬罪夾發聲請與犯時不知之律註不符案聞服制墓里未便率從輒典致務捏飾遷就之端應令該督將李世得訊明仍按服制本律定擬

嘉慶二十三年說帖○成案錄後

嘉慶十一年四川省題陳廷榮因小功叔祖陳俸禮黑夜在屋後出恭該犯聽聞大吠心疑有賊攜刀出看黑影內見樹下蹲有一人疑是賊匪用刀段砍其頂心等處倒地聽聞聲音卽行住手陳俸禮

越四日殞命依殿死小功尋長律斬決奉

旨改斬監候

又十六年雲南省題劉廷彥因馬文藻向其索欠器
馬馬文藻扯住劉廷彥髮辮檢按劉廷彥掙不脫
身摸取菜刀向劉廷彥胞兄劉廷貴從馬文藻背後
攔勸維時天色已晚劉廷彥頭被砍按未經看見
誤戮劉廷貴左腿殞命依殿死胞兄律斬決奉

旨改斬監候

又安徽省題范綱綱因父范廣與表姪畢忠富口角

被控疑係范進陵訟登門叫罵范進取棍向范朋
毆打該犯恐父受傷接住范進之棍同後拉奪適
小功堂兄范囑佐起勸趨捕該犯身後致被棍頭
誤戳傷及臍肚殞命依毆死小功尊長律斬決奉
旨改斬監候

又十九年四川省題前作盛因黑夜聽聞犬吠慮有
竊賊持刀從屋側小巷走出查捕適伊兄衛作良
亦執棍前往捕賊該犯疑係竊賊即用刀上前向
戳適傷衛作良胸膛倒地聞喊知係伊兄當卽住

手衛作良次日殞命依毆死期親尊長律斬決奉

旨改斬監候

弟兄毆死胞叔
一致死一誤傷

川督題馮添存等殺死胞叔馮勝玉一案查毆期

親尊長律內載明死者不分首從皆斬如兩人共毆

一人斃命其幫毆傷不至死之犯在凡人可依餘人

擬杖在大功以下卑幼可依爲從律減等擬流在期

親卑幼則與下手傷重致死首犯同科斬決所謂不

分首從也是毆死期親尊長從犯不惟與凡關罪名

輕重迥殊卽較之毆死大功以下尊長亦有生死之

別至卑幼刃傷期親尊長挾嫌有心者絞決訊非有心于犯或係誤傷者絞候係指傷而未死者而言非謂其毆期親尊長致死亦得只科傷罪也此案馮添衢因見胞叔馮勝玉持板凳向伊兄馮添存撲毆意欲上前攔勸拾刀將凳格落不期誤傷馮勝玉臂膊馮勝玉旋被馮添存刀戳殞命馮添存係毆胞叔下手傷重致死之犯自應依律斬決該犯馮添衢固止誤毆胞叔一傷惟伊叔業已斃命應依律不分首從皆斬今該省將馮添存馮添衢均依姪毆叔至死律

聽從伊父致牙
胞叔分別夾餐

擬以斬決並以馮添衛向非逞兇干犯照例聲明聽

候夾簽核與律例相符應請照辦

嘉慶二十一年說帖

東撫 題揚百明聽從伊父主使毆傷胞叔楊二尼

身死一案查卑幼聽從下手毆本宗尊長至死如係

功服而邂逅至死者減等擬流若僅令毆打而輒行

疊毆至斃者改擬斬候期親則不分邂逅至死及疊

毆斃命均擬斬立決夾簽聲請誠以期親服制最近

故不得與功服並論徑行減等然究係迫於尊長威

嚇與自行干犯者不同故定例俱得夾簽聲請檢查

嘉慶二十三年陝西省題王世才聽從伊母毆傷胞兄王世得身死一案該省將王世才依毆死胞兄律擬斬立決聲明該犯聽從伊母主使勉從下手經本部照例夾簽奉

旨將王世才改爲斬監候又貴州省題劉老滿聽從伊父致死胞兄劉子桂依律擬以凌遲夾簽聲明奉

旨將劉老滿改爲斬監候先後題結在案此案楊白明聽從伊父主使毆傷胞叔楊二足身死查該犯楊白明所毆同屬傷多且重若係自行干犯應照例擬以斬

決不准夾簽今該犯聽從伊父主使無奈勉從並非
自行干犯與情輕夾簽應以是否有心干犯爲斷者
不同自毋庸計其傷之多寡卽照聽從毆死期親尊
長本例夾簽該司將該犯依律擬斬立決夾簽聲請
與例相符惟稿尾夾簽牽引本部通行以是否有心
干犯爲斷等語係屬錯誤謹於稿內酌改

道光三年
說帖

貴撫 題劉老滿聽從伊父劉應生謀殺罪犯應死
胞兄劉子桂身死查劉應生因劉子桂頂撞並擲石
毆傷額顙隨喊同劉老滿往拿劉子桂送究劉子桂

聽從伊父毆死
胞叔其父擬徒

刑案匯覽

持刀拼命劉老滿將刀奪獲劉應生用繩拴住劉子
桂拉走劉子桂不肯行走將劉應生控跌倒地劉應
生忿恨起意致死令劉老滿將劉子桂擡丟入井劉
老滿代爲求饒劉應生不依並稱如不幫擡卽行尋
死劉老滿被父嚇逼無奈幫同將劉子桂擡至井邊
劉應生將劉子桂推入井內淹斃劉老滿雖係迫於
父命究屬倫紀攸關將劉老滿擬以凌遲處斬奉

旨九卿議奏改爲斬監候

嘉慶二十二年案

貴撫 題饒士瓊聽從伊父饒世勝主使毆傷胞叔

卷四十三 刑律國段

主

毆期親尊長

饒世友身死一案此案饒上瓊因饒世友喜習拳棒
常在外間滋事伊父饒世勝勸阻被毆欲向毆打饒
世勝之妻張氏拉勸饒世友以其幫護拔刀將張氏
戳傷經人勸散饒世勝往拿饒世友送官城同伊子
饒士瓊並邀允族弟饒世品前往捉拿饒世友手執
鐵尺趕向饒世品等毆打被饒世品用擔格落鐵尺
並毆傷胸肱饒世勝拾獲鐵尺毆傷饒世友右腳踝
饒世友另拿柴斧向砍饒世勝手乘鐵尺將斧奪獲
經鄰人饒世璧將饒世勝拉開饒世友辱罵饒世勝

氣忿因被饒世壁拉住不能脫身將柴斧遞給饒士
瓊喝令毆打饒士瓊因係胞叔不敢動手饒世勝嚷
罵逼令向毆饒世友又舉脚向踢饒士瓊用斧背毆
傷饒世友左腳腕殞命查饒士瓊毆傷胞叔饒世友
身死按律罪應斬決因伊父逼令下手例得夾簽聲
請今該省將饒士瓊依聽從下手毆死期親尊屬例
擬斬立決夾簽聲請與例相符至饒世勝主使伊子
饒士瓊將饒世友毆傷殞命在平人例應擬抵因死
係胞弟自應仍按服制以本殺傷法查毆死期親

弟妹例應擬流今該省以饒世友先將兄妻戮傷本屬罪人未便竟照毆死胞弟擬以杖流轉致無所區別將饒世勝依毆死期親弟妹杖流例上減一等擬以杖一百徒三年係屬衡情酌斷似亦可照覆

嘉慶十九年說帖

聽從母命謀死
淫惡蔑倫胞兄

晉撫 題張進高聽從母命活埋胞兄張進申身死一案此案張進高因胞兄張進申時竊伊母衣服並壓向頂撞嗣欲硬取伊母養贍糧食變賣不允將伊母推跌擦傷復強姦胞兄之妻已成實屬淫惡蔑倫

與王仲貴案情因屬相符惟查王仲貴係聽從父命毆死胞兄本律止於斬決故得改為杖流今張進高係聽從母命活埋胞兄律應凌遲處死較之毆死者爲重雖死者同一淫惡蔑倫兇犯同一勉從下手而致死既有毆殺謀殺之分罪名又有斬決凌遲之別似未便照王仲貴之案辦理既據該省將該犯依律擬以凌遲處死聲明可原情節聽候部議並未隨本減流只可照例夾簽等語該司議請按照王仲貴之案一律改流究未允協丹查此案係謀殺該省原揭

誤引故殺胞兄之律雖罪名同一凌遲究屬援引失

當應行改正

嘉慶二十二年說帖

晉撫 題 喬六兒聽從伊母喬毛氏幫同勒死胞兄

喬小才 案此案喬六兒因胞兄喬小才圖姦伊妻

馮氏未成並向伊母毆罵伊母氣極主令該犯將喬

小才縛住起意勒死卽用麻繩套住喬小才項頸又

令該犯幫勒殞命將喬六兒依故殺律擬以凌遲處

死聲明實係迫於母命與無故逞兇干犯者有間等

因檢查嘉慶二十二年該省題張進高因胞兄張進

申時竊伊母衣服並展向頂撞又強姦胞兄之妻已
成該犯聽從母命將其活埋身死依謀殺期親尊長
律擬以凌遲處死聲明可原情節聽候部議經本部
敘明可原情節援例夾發聲請奉

旨九卿定議將該犯改爲斬監候在案今裔六兒聽從母
命勉從下手幫勒淫惡萬倫毆罵伊母罪犯應死之
胞兄裔小才身死與張進高活埋胞兄之案事同一
律自應夾發聲請

道光六年說帖

因竊敗露父逼
令謀殺兄圖賴

北撫題 郎得華因竊敗露聽從伊父鄭名胡謀死

刑案匯覽

卷四十三 刑律圖說

四

毆期親尊長

胞兄鄭萬才圖賴一案核查嘉慶六年山西省題馬
幅因胞兄馬葉姦拐人妻被胞叔馬顯榮訓斥馬葉
頂撞馬顯榮因其玷辱祖宗喚令馬幅幫同下手將
馬葉用繩勒斃馬幅照謀殺期親尊長律凌遲處死
九卿議奏改爲斬候在案此案鄭得華聽從熊一新
行竊熊年豐家山諸被事主查知起獲原贓欲行送
究經勸允賠而散嗣伊父鄭名胡因無錢賠贓並恐
到官指報番出縱子行竊一同問罪起意將伊長子
鄭萬才致死移屍往賴希圖抵制向該犯商謀未允

鄭名胡卽以如不聽從自往尋死之言嚇逼該犯無
奈允從鄭名胡用繩套入鄭萬才項頸令該犯幫同
拉勒該犯不忍用力鄭名胡將其推開手拍鄭萬才
咽喉斃命查該犯先則迫於父命無奈允從迨伊父
逼令執繩拉勒因該犯不忍用力伊父始手拍致斃
是該犯實有不忍致死其兄之心與有心欲殺聽從
下手者迥不相同該省將鄭得華依律凌遲處死該
司擬將該犯聲請量減改爲斬決自係衡情酌辦惟
馬幅一案係聽從伊叔幫同勒斃胞兄九卿改爲斬

總從父母謀殺胞兄分別夾簽

候此案若將該犯隨本聲請改為斬決是較馬幅一

案轉為加重自應仍依本律擬以凌遲聲明不忍致

死其兄情節俟內閣票擬雙簽其鄭名胡仍照故殺

子孫圖賴人例擬軍
道光二年說帖

南撫題吳開幅聽從伊母勒死胞兄吳開慶一案

又安撫題黃開武聽從伊父勒死胞兄黃開文一

案又陝撫題李三元等聽從伊父活埋胞兄李夢

元身死一案夾簽聲明並未盡一交館彙核等因查

聽從父母逼嚇謀殺期親兄姊例無夾簽明文檢有

成案如死係毆冒父母罪犯應死胞兄該犯係迫於父母之命勉從下手者該督撫於疏內聲明本部核議仍照謀殺期親尊長本律問擬凌遲援引毆死期功尊長罪干斬決情可矜憫之例夾簽聲明如死者並非罪犯應死胞兄則止於稿內將聽從父母之命勉從下手不忍致死之情量爲聲敘由內閣票擬雙發議以謀殺期親尊長情罪較重苟非大有可原卽難率予夾簽是以向來辦理此等案件伊兄實係罪犯應死者卽將該犯比例夾簽若伊兄並非罪犯應

死則止於案內聲明所以示區別也茲查黃開武李
三元等二案死者將父椎跌俱係罪犯應死該犯等
聽從致死係迫於父命勉從下手各該司將該犯等
比例夾竄核與辦過成案相符至吳開幅一案查已
死吳開慶向母索討膳費錢使用伊母不允回毆
吳開慶將母推跌倒地亦屬罪犯應死該犯吳開幅
按住伊兄兩脚係聽從母命被逼無奈與黃開武等
案事無二致亦應比例夾竄以昭畫一今湖廣司援
照道光二年湖北省鄭得華之案祇於稿內聲明查

鄭得華聽從父命謀殺胞兄鄭萬才死者並無忤逆
罪犯應死故止於稿內聲明與現案情節不同應將
吳開幅一案亦改擬夾簽並傳知各司有記庶不致
辦理兩歧

道光四年說帖○成案錄後

嘉慶二十一年安徽省題沈開如聽從母命勒死胞
兄沈開萬一案又二十三年山西省題申文斌迫
於母命幫同勒死胞兄申文魁一案又河南省題
于二麻聽從伊父勒死伊兄于大麻一案又陝西

省題陳佑江聽從伊母勒死胞兄陳呂江一案以

上四案均係推跌置罵父母罪犯應死胞兄各該
省原題內俱聲明該犯等迫於父母之命勉從下
手與無故自行干犯有間本部核議仍照謀殺期
親尊長律擬以凌遲援引毆死期功尊長罪干斬
決情可矜憫之例夾簽均經九卿議奏改爲斬候
在案

聽從母命推溺
胞兄致斃夾簽

江西撫題周通九聽從母命推溺胞兄周通四身
死一案查例載聽從尊長下手毆死期親尊長之案
仍擬斬立決夾簽聲請等語至聽從父母謀殺罪犯

應死胞兄向來俱照毆死之例夾簽聲請歷有成案
可循此案周通九因胞兄周通四偷竊伊母牛隻並
拳毆伊母成傷伊母忿恨逼令該犯將周通四推入
河內溺斃是死係罪犯應死胞兄推由迫於母命與
自行干犯者不同該司照例夾簽聲請尙屬相符似
可照辦

嘉慶十七年說帖

勉從鼎歐期尊
至死應准夾簽

晉撫 題任得讓聽從父命毆死胞兄任得恭一案

查例載聽從下手毆本宗小功大功兄姊及尊屬至
死者除主使之尊長仍各按服制以爲首科斷外下

手之犯審係迫於尊長威逼勉從下手邂逅至死者
照威力主使律爲從減等擬流若尊長僅令毆打而
輒行疊毆多傷至死者將下手之犯擬斬監候至聽
從下手毆死期親尊長尊屬之案仍擬斬立決夾簽
聲請其聽從下手毆死總麻尊長尊屬之案依律減
等擬流等語是聽從下手毆死有服尊長尊屬之案
惟功服應以勉從下手疊毆多傷分別擬以流罪斬
候其期親總麻例無分別勉從下手及疊毆多傷之
文則期親俱應仍擬斬立決夾簽聲請總麻俱應減

等擬流引斷各有專條不容牽混此案任得讓因胞兄任得恭平日不顧父母養贍並屢次觸犯復罰讓外人尋釁伊父任燦氣忿莫遏令該犯等伐毆使知畏懼經該犯等勸慰而息次日任得恭飲醉復行混罵任燦忿極又令該犯尋毆該犯未允並向勸慰任燦稱欲撞死該犯方始允從任燦以如不力毆任得恭總不知畏懼伊仍撞死之言叮囑該犯往向任得恭村斥任得恭卽攜柴刀趕砍該犯奪獲柴刀彼此揪毆砍割致傷任得恭次日殞命查該犯係聽從下

手毆死期親尊長例得夾簽聲請該省聲明該犯疊毆致死非勉從下手邂逅至死可比等語是以期親罪應斬決夾簽之案牽引功服分別斬候擬流之條聲敘殊屬錯誤謹擬夾簽呈

聞奉

諭飭查成案

職

等詳加檢查並無辦過似此引例相同

之案惟查有嘉慶六年山西省題馬幅聽從勒死胞兄馬葉一案原題內聲明馬幅因胞兄馬葉姦拐人妻被胞叔馬顯榮訓斥馬葉頂撞馬顯榮因其玷辱

祖宗喚令馬幅幫同下手將馬葉川繩勒斃馬幅照
謀殺期親尊長律凌遲處死經九卿聲請改爲斬候
又十五年四川省題任作才聽從毆死胞兄任作棟
一案查任作才因胞兄任作棟頂撞胞叔任逢舉經
任逢舉毆打並令該犯拾石幫毆該犯拾石毆傷其
左右臙朋右腿殞命將該犯依弟毆死胞兄律擬斬
立決經本部援例夾簽聲明奉

旨改爲斬候各在案查馬幅一案死者姦拐人妻本非實
在玷辱祖宗亦無聽從致死玷辱祖宗之尊長可從

未減之例馬幅有心勒斃其情罪重於疊毆至死至
任作才一案係毆打三傷致斃卽屬疊毆多傷該二
犯一係謀殺加功一係疊毆至死既得因係聽從胞
叔下手改爲斬候比類參觀則此案任得讓聽從父
命下手自未便因係疊毆多傷竟行斬決且細釋例
意凡卑幼毆斃尊長尊屬之案本不論期親功服概
擬斬決而功服卑幼特以迫於尊長之命勉從下干
邂逅至死者僅擬滿流疊毆多傷者始擬斬候至期
親卑幼有犯服制較親名分較重故並無分別勉從

先毆胞叔一傷
後從祖命毆斃

下手及疊毆多之文仍擬斬立決第同係迫於尊
長之命功服既重分別擬以滿流斬候是以期親仍
得夾簽聲請今任得讓因胞兄任得恭不顧父母養
贍並屢次向伊父觸犯尋釁該犯屢被伊父逼令下
手向非無故干犯自應循例夾簽爲允

道光元年說

挾撫 題李幅聽從伊祖拘毆胞叔李秋家娃身死

一案此案李幅聽從伊祖李登魁將伊胞叔李秋家
娃拘毆致斃核其情節究係迫於尊長下子與無故
逞兇干犯不同該省將該犯擬斬立決該司夾簽聲

請均係按例辦理至該犯於伊祖令其取繩繫縛時
因李秋家娃混罵揪扭該犯先曾毆其右眼一下查
弟妹毆兄姊傷者杖一百徒三年姪毆伯叔父母加
一等是李幅毆傷胞叔李秋家娃罪止杖一百流二
千里今聽從祖父捆毆致斃按例擬斬立決未便因
其拳毆在先以之加重似只可照辦

嘉慶二十年說

退跌道斃先有
開清照律擬斬

安撫 題王登洲毆傷期親伯母王吳氏身死一案
查毆死本宗期功尊長罪干斬決之案若核其所犯
情節實可矜憫若例准夾簽聲請此案王登洲係王

吳氏期親服姪王六氏因向該犯之兄王登雲索種
伊故伯王振川所遺地畝不允將王登雲揪毆適該
犯手執鎗頭在地乞索趕攔拉勸致鎗頭割傷王吳
氏左手腕並招傷右乳王吳氏將王登雲揪放揪住
該犯胸衣撞頭拚命該犯身往後退失足仰跌溝內
連王吳氏帶跌撲壓身上以致手執鎗頭戳傷王吳
以臍肚逾時殞命查該犯既見伊兄王登雲被伯母
王吳氏揪毆如果僅欲攔勸卽應拋棄鎗頭趨向婉
言分解乃手執鎗頭趕攔是該犯之欲向行毆情已

戮斃胞兄情無
可憫不准夾簽

顯然迨至將王吳氏左手腕割傷並扭傷右乳王吳氏遷怒將王登雲揪成揪住該犯胸衣撞頭拼命是王吳氏因與該犯已成鬪毆自未便以王吳氏臍肚一傷係因帶跌挫壓所致卽與無心干犯及抵忤致斃者一概並論今該省將該犯照律擬斬立決似可照覆毋庸再行駁訊

嘉慶二十二年說帖

浙撫 題美好約戮傷胞兄美好泰身死一案奉

諭交館查核應否夾簽等語查美好約因胞兄美好泰

栽種蕃茹越古該地所分地內伊父姜沐堅見而斥

冒姜好泰頂撞回冒該犯上前理阻姜好泰持鋤向
毆該犯逃避因姜好泰追至該犯門首聲喊拚命該
犯順取門旁防獸尖刀轉身將鋤格落復因其趕攏
奪刀並擊脚亂踢用刀戳傷其左腿頰命核其情節
伊兄冒罵伊父固屬罪犯應死惟死者僅向該犯持
鋤追趕業經該犯用刀格落其鋤復因其奪刀脚踢
用刀戳傷致斃是該犯既無護父急情又非迫於父
命並非抵格適傷與情可矜憫之例不符似毋庸夾

簽

嘉慶二十一年說帖

被揪推跌胞婦
致斃不准夾敘

陝撫 題王幅推跌胞婦王倪氏身死一案查此案
王幅因在公場種菜伊胞婦倪氏上前阻攔該犯稱
係公地伊亦可種倪氏用頭向撞該犯閃避倪氏撲
空倒地搥傷偏左倪氏起身復揪該犯衣襟詈罵該
犯用手推拒失手將倪氏推跌仰面倒地搥傷腦後
殞命是該犯因租種公地手推胞婦搥傷致斃已有
干犯情狀罪無可原與誤傷及並無逞兇干犯之案
不同難以夾敘聲請亦無矜憫情節可原自應按律
科斷該省將該犯依姪毆死伯叔父母律擬斬立決

回戮功兄無從
胞嫡不准夾殺

與例相符應請照覆
嘉慶二十一年說帖

雲撫 題王得昌誤戮胞嫡王景氏身死一案此案
王得昌因與大功兄王際昌爭角王際昌拾棍向毆
該犯用鐵鏢抵戮傷其左臂膊王際昌又向亂毆王
得昌用鏢將棍格落連戮致傷其左右臂膊王際昌
奪鏢該犯又割傷其左右手王際昌拾棍向打該
犯用鏢抵戮王際昌閃開詎王際昌之母王景氏走
至王際昌背後拉勸該犯收手不及致鏢尖誤戮王
景氏胸膛殞命查王得昌誤戮王景氏身死原非意

回毆胞兄並非
無心不准夾簽

料所及惟先已疊戮大功兄王際昌多傷白不得謂
非逞兇干犯是有心干犯大功兄以致戮斃嫡母該
省聲明與平人鬪毆誤傷尊屬致斃者不同將該犯
仍依本律擬斬立決尚無錯誤該司擬以夾簽似未
允協應仍依該省原擬照覆

嘉慶二十四年說帖

貴撫題趙世得毆傷胞兄趙世才身死一案查本
年二月本部酌議凡毆死期功尊長之案應否夾簽
總以是否有心干犯為斷奏准通行在案此案趙世
得與伊兄趙世才口角起釁趙世才拳毆趙世得背

上趙世得走開趙世才復向拳毆趙世得拾取地下
柴斧用背格打致傷趙世才右乳倒地越五日殞命
檢閱供招該犯先被伊兄拳毆背上並未成傷迨伊
兄復向拳毆該犯並不走避輒即用斧回毆重至骨
損且所用鐵斧係在地上拾取與本來執持器械順
手抵格者不同案係互鬪情無可原既據該撫於原
題內聲明實屬逞兇干犯似難夾簽應請照覆

道光二年說帖

適斃期功情保
干犯不准夾簽

江蘇司 查向來辦理有關服制罪干斬決之案必

須始終毫無干犯其情實可矜憫者方准夾簽聲請
至雖有可矜情節而業已干犯在先似難援例夾簽
今江蘇省題潘學如跪傷胞兄潘學盛身死一案查
潘學如因向胞兄潘學盛索欠起釁被其揪衣欲毆
該犯既咬傷伊兄手腕已屬干犯迨同跌倒地經伊
母喝勸爬起致跪傷伊兄臍肚殞命核其情節既經
干犯於先而又適斃於後實屬無可矜憫又甘肅省
題張世清誤傷小功服叔張發身死一案查張世清
因小功服叔張發令子張世成分伊繼產田內麥子

毆死胞兄傷多
且重不准夾簽

該犯不依與張世成爭吵被張世成毆傷該犯持棍
回毆不期張發走至以致誤傷張發身死查張世成
亦係該犯小功服兄該犯因毆尊長而誤斃尊屬實
屬違兇犯尊且張發父子同係爭伊繼產起釁亦非
因他故與人鬪毆誤傷尊屬者可比其情亦無可矜
原各該省將該犯等均依律定擬洵屬允當只可照
覆似難夾簽

嘉慶十二年說帖

江西司 查律載弟毆胞兄死者斬又例載毆死本

宗期功尊長罪干斬決之案若係情輕如卑幼實係

被毆情急抵格無心適傷該胥撫按律定擬止於案
內將並非有心干犯情節敘明法司會同核覆亦照
本條擬罪核其所犯情節實可矜憫者夾簽聲明恭
候

欽定若與尊長互關係有心干犯毆打致斃者亦於案內
將有心干犯之處詳細敘明卽按律擬以斬決各等
語此案阮勝才因胞兄阮興才將公共梨樹獨自摘
竄案分不允阮興才用刀柄向毆阮勝才將刀奪過
刀尖割傷阮興才左脇阮興才扯伊衣服舉腳亂踢

致自在刀口踢傷左膝叨阮興才執住刀管用力拉
奪阮勝才力怯鬆手阮興才奪回勢猛以致刀尖自
戳左乳倒地殞命前據該撫將阮勝才依弟毆胞兄
死者斬律擬斬立決聲明並非有心手犯經臣部以
阮勝才金刃戳割伊兄阮興才身軀傷多且重顯係
逞兇疊毆事後狡供避就未便遽准夾簽駁令該撫
另行嚴訊確情妥擬具題茲據該撫復以阮勝才究
非逞兇疊戳仍照原擬依律擬斬立決聲明並非有
心手犯具題臣等詳核案情阮勝才與胞兄阮興才

執刀爭奪戮割已至三傷之多不得謂始終均屬無
心且檢閱屍傷左臙肋深至骨損左乳深至透肉係
爲極重必死之傷案係互關未便援例夾簽聲請案
經臣部駁審一次此次未便再行往返駁詰轉致蔑
倫兇狠之徒久稽顯戮應卽按律問擬阮勝才合依
弟毆胞兄死者斬律擬斬立決所有該撫聲明並非
有心干犯之處應毋庸議

道光九年說帖

致斃胞伯下手
傷重似非無心

江西撫 題謝運堂致傷胞伯謝德盛身死一案查
例載毆死本宗期功尊長罪干斬決之案若卑幼實

係被毆情急抵格無心適傷致斃者夾簽聲明恭候
欽定若與尊長互關係有心干犯毆打致斃者卽按律擬
以斬決等語此案謝運堂因埋怨胞伯謝德盛不應
行竊雷正茂煙葉謝德盛不依向毆該犯閃避謝德
盛扭住該犯胸衣撞頭該犯求饒舉起右手推開謝
德盛一口咬住該犯衣袖拉走該犯用右手大二兩
指向叉咽喉其鬆放謝德盛被叉退後適被門檻
絆脚仰跌倒地將該犯帶跌身上該犯放手不及以
致手指叉傷謝德盛咽喉殞命該省將謝運堂依律

擬以斬決並聲明並非有心于犯聽候夾簽等因查
謝運堂因胞伯咬住伊衣袖拉走其時並無被毆急
情何必遽用手指又其要害處所且謝德盛被咬後
退其爲該犯用力兇猛所致更屬顯然迨謝德盛絆
跌倒地時該犯如果無心于犯儘可釋手跑走何致
見其色變始行鬆手檢閱屍骨格內開謝德盛咽喉
有指又傷一條橫長二寸一分左寬四分右寬五分
血瘀紫色是謝德盛傷痕甚重該犯既係有心向又
卽不得謂之無心于犯應令該省再行研訊實情妥

謀殺親屬相盜
尊長不准夾簽

擬具題

道光七年說帖

直督 題李夫城與堂弟李驢子聽從叔祖李守信
活埋胞兄李五德身死一案查律載謀殺期親尊長
已殺者凌遲處死謀殺總麻尊長已殺者斬又尊長
謀殺卑幼依故殺法又伯叔故殺姪孫者杖一百流
二千里又例載期親以下有服尊長殺死罪不至死
之卑幼果係積慣匪徒怙惡不悛人所共知確有證
據尊長因玷辱祖宗起見忿激致斃者無論謀故爲
首之尊長悉按服制於毆殺卑幼各本律本例上減

一 等若卑幼並無爲匪確證尊長假託公忿報復私讐或一時一事尚非怙惡不悛情節慘忍致死者均照謀故毆殺卑幼各本律本例定擬不得濫引此例各等語至卑幼迫於尊長威嚇勉從下手干犯期親尊長係毆死罪應斬決者例准夾簽聲請亦係指已死尊長罪犯應死或主使之人實因玷辱祖宗起見而言其謀故殺罪應凌遲者則情罪重大苟非大有可原更不得率從寬宥故例無夾簽專條檢查成案如期功尊長罪犯應死或屢次行竊他人財物律擬

以竊盜論實係玷辱祖宗者下手之兇犯迫於祖父
母父母之命謀故致斃亦得比例夾簽聲請蓋死者
雖係兇犯至親而主使之尊長服制更親與死者統
之以所尊臨之以至親其被逼之情自爲確切若聽
從疎遠尊屬謀斃至親尊長疎者旣不可以間親且
恐易改避就狡飾之端如尊長因卑幼行竊自己財
物因而挾恨致斃卽係假託公忿報復私讐更不得
與致死玷辱祖宗之卑幼並論此案已死李五德係
李守信小功姪孫該犯李守信所稱李五德時在集

上拘摸係屬空言毫無確據卽兩次偷竊伊家錢物亦係一時一事並非怙惡不悛且親屬相盜應按服制遞減科罪與尋常竊盜不同該犯輒主使伊孫李驢子並李五德胞弟李夫城將其活埋斃命正與假託公忿報復私讐慘忍致死之例相符至李驢子幫同活埋小功堂兄雖係迫於祖命惟事由該犯嗾竊追趕致令跳井起釁繼復聽從用繩捆縛下手掩埋祖孫濟惡逞兇李夫城聽從小功叔祖活埋期親胞兄疎者不可以間親案關謀殺期功尊長逆倫情慘

供詞兩歧審明
再行火簽

均無可原該省將李夫城李驢子分別擬以凌遲斬
決尙無錯誤惟聲明聽部來發與例不符應駁去夾
簽一節照律辦理李守信應依例按故殺姪孫本律
擬流該省將李守信滅等擬徒亦屬錯誤應請交司
照律更正

嘉慶十九年說帖

盛京刑部 題張倫戳傷胞兄張停身死一案前經
等繕具說帖呈請照司議來簽奉

諭或覆或駁令再妥議
職等復詳查揭帖該犯於初審
覆審及定案時供詞互有歧異案情既未確鑿卽難

據該省現審供情述爾來發推既據審係誤殺又不
便竟照覆斬決似應駁審爲允

稿
尾
查律載弟毆胞

兄死者斬又例載平幼誤傷等罪干斬決審非違
兇手犯仍准敘明可原情節夾簽請

旨各等語此案據該侍郎疏稱張倫係已死張停胞弟張
倫先因患病與伊嫂不善服侍彼此曾經爭吵嗣張
倫病愈他往至歲暮回家爲兄嫂搥頭餅歲俞氏未
理亦未起動張倫生氣走出外屋時有邵漆桂在旁
俞氏因張倫行二隨以我們兩點走了沒有之言向

邵添桂詢問張倫聽聞愈加生氣順拔身佩小刀欲
向俞氏奔截張停瞥見即將張倫髮辮揪住按地奪
刀致將手指割傷時俞氏欲出街喊救從張停身後
走過被張倫看見用刀向俞氏戳去不期張停身向
左搖以致誤傷張停臍肚越日殞命將張倫依弟毆
胞兄至死律擬斬立決等因具題臣等查該犯如果
因與伊嫂爭毆誤傷胞兄審非有心逞兇干犯自應
照例敘明可原情節夾簽聲請惟詳核案情檢閱供
招據張倫在縣初供因伊嫂俞氏待伊刻薄持刀進

屋欲向俞氏奔戳被伊兄張停黑暗中迎面攔阻兩
進勢猛致將張停膺肚左戳傷並被張停用右手揪
住該犯髮辮按倒銅臺旁邊左手向伊奪刀又劃傷
其左手指邵添桂進屋奪刀亦被劃傷左手指俞氏
邵添桂供亦無異迨經該侍郎提審該犯復改供因
欲戳死俞氏出氣被伊兄張停揪辮按倒奪刀先將
其手指劃傷復拿刀往上一揚致又戳傷其膺肚殞
命供詞與初審不符經該侍郎駁回覆審該犯又改
供係欲戳俞氏出氣並無被死之心迨被伊兄張停

揪倒奪刀劃傷張停手指復見俞氏走近身旁該犯
用刀向戳不料張停身向左擋誤被戳傷與初審所
供兩進勢猛及覆審所供奪刀往上一揚之語均不
相符並據提訊俞氏邵添桂亦翻異前供若如初審
供詞則是趕毆兄妻以致毆死胞兄其罪卽難未減
若如覆審供詞則是謀殺兄妻未成而鬪殺胞兄其
情更無可原若如定案時所審供詞則前一傷係因
奪刀致劃後一傷亦係殺由於誤並非有心干犯例
得夾籤聲請今一犯而三易其供情節既有闕誤之

分罪名卽有出入之別且屍妻俞氏見證邵添桂均無所顧畏何以前後供亦兩歧該承審官於此等俱情未能研訊明確遽爾定讞臣部礙難率覆應令該侍郎提犯覆鞫務得實情按律妥擬具題

嘉慶二十四年奉天司說帖

有心嚇截無心抵截分別夾條

廣東撫題黎克幹戮傷胞兄黎克迪身死又劉大介老擲傷胞叔劉均美身死又溫炳淑格砍小功服叔溫謹洗身死又廣西省題廖占鳴抵截胞兄廖占逢身死四案查本年二月本部酌議凡毆死期功尊

長之案應否夾簽總以是否有心干犯爲斷奏准通行在案今黎克幹因伊胞兄黎克迪拔刀向戳該犯用脚踢落拾刀跑走黎克迪趕奪并投住該犯後衣舉拳向毆該犯掙脫轉身用刀嚇戳致傷黎克迪殞命又劉大介老因胞叔劉均美扭住伊父胸衣欲毆該犯上前解勸劉均美將伊父鬆放轉向該犯毆打該犯閃避劉均美舉脚向踢該犯拾石嚇擲打傷劉均美殞命查黎克幹用刀嚇戳劉大介老拾石嚇擲均係有心干犯並非被毆抵格無心適傷俱應按律

仍擬所決應請將黎克幹一案毋庸駁審與劉大介
老一案俱行照覆至溫炳淑因被小功服叔溫謹洸
舉拳向毆該犯走避溫謹洸趕上取刀向砍該犯奪
刀過手溫謹洸拾取柴片毆打該犯用刀格砍致傷
溫謹洸右腳踝殞命又廖占鳴因胞兄廖占逢用刀
割傷伊妻該犯趕救將刀奪過廖占逢即向該犯撲
打該犯情急用刀抵戳適傷廖占逢肚腹殞命查溫
炳淑廖占鳴如果均因被毆情急順用奪獲之刀抵
格無心適傷致斃是情節尚可矜憫俱應照例夾簽

奪刀扎斃兄命
應分有心無心

若係有心砍斃斃命其情卽無可原自應照律擬以

斬決今各原題內一稱用刀格砍一稱用刀抵斃其

或無心抵格適傷或係有心砍斃未據分晰敘明應

駁令各該省提犯研訊分別聲敘明晰具題

道光二年說帖

陝西司 查此案馬雙兒因長兄馬元將次兄馬蹯

麻二擒按用刀扎傷並聲言如再強嘴定行殺死馬

蹯麻二喊求饒恕適該犯踵至拉勸馬元仍不釋手

該犯奪刀過手馬元卽向該犯不依叫罵舉脚向踢

該犯順用小刀嚇扎適傷馬元右臙肋殞命將馬雙

兒擬斬立決具題查馬雙兒如果被胞兄舉腳向踢該犯情急順用奪獲小刀嚇抵適傷致斃是情節尚可矜憫卽應照例夾簽若係有心向扎致斃其情卽無可原自應按律擬以斬決今原題內稱馬元舉腳向踢該犯順用小刀嚇扎其或無心抵格或有心向扎未據分晰敘明應駁令該督訊取確供分別聲敘明晰具題

道光二年說帖

回駁通弊兄命駁審是否有心

河南司 此案唐乃同因向胞兄唐乃幗索討欠錢唐乃幗無錢回覆唐乃同知其有錢放帳卽囑唐乃

囑隨便從還唐乃囑不允斥罵唐乃同回言唐乃囑
掌批伊右腮腠唐乃同舉拳回毆適傷唐乃囑右耳
連耳根倒地殞命該撫將唐乃同依律擬以斬決等
因具題臣等查卑幼毆死期功尊長之案如訊係有
心干犯應按律擬以斬決若實係被毆抵格無心適
傷例准敘明可原情節夾簽聲請罪名既有區別聲
敘豈容含混今唐乃同因胞兄唐乃囑掌批伊腮腠
舉拳回毆適傷致斃該撫將唐乃同依律擬以斬決
於是否有心干犯及無心適傷之處均未據聲敘明

晰罪名出入攸關應令該撫再行提犯研訊確情分
別聲明按例妥擬具題

道光十二年說帖

毆死罪犯應死
之兄聚分火焚

四川司 查例載弟毆胞兄死者斬又例載期親弟
妹毆斃罪犯應死兄姊與王仲貴案內情節未符者
仍照毆死尊長情輕之例照律擬罪夾簽聲明各等
語此案鄭倡沅因鄭倡候係伊同父異母之兄服屬
期親鄭柳氏係鄭倡候繼母鄭倡沅係鄭柳氏所生
伊父鄭遠浩因鄭倡候不務正業給錢分出另居後
鄭倡候將所分錢文花盡時常往求鄭遠浩添給鄭
遠浩未理嗣於夜間鄭倡沅聽聞撞壁聲響知有竊
賊搗棒出看見有一賊撞空牆壁鄭倡沅未經認明

聲喊捉拿用棒毆傷賊人左肱肘賊人逃跑鄭倡沅
又連毆賊人左腿賊人叫罵鄭倡沅聽係鄭倡候聲
音當卽住手時鄭柳氏攜竹簽擔走出問知斥罵鄭
倡候不服頂撞鄭柳氏用竹簽擔戳傷鄭倡候左肩
等處鄭倡候奪過簽擔毆傷鄭柳氏左額角並將鄭
柳氏掙跌倒地鄭倡沅攔阻鄭倡候卽用簽擔向伊
毆打該犯用棒嚇毆致傷其左乳殞命該督聲明鄭
倡沅係屬有心干犯雖鄭倡候毆傷繼母罪犯應死
而鄭倡沅所毆鄭倡候左乳重傷情非救親亦非勉

從母命將鄭倡沅依弟毆胞兄至死律擬斬立決等
因具題_臣等查毆斃罪犯應死胞兄之案例不論是
否救親情切及勉從母命均應夾簽聲明者誠以死
係罪犯應死之人毆之者卽非無故逞兇干犯故照
律擬罪仍酌予夾簽以示情去之平今鄭倡沅胞兄
鄭倡候黑夜擁門行竊將繼母鄭柳氏毆傷實屬罪
犯應死鄭倡沅前毆數傷確係犯時不知後一傷亦
因目擊伊母受傷倒地擁前攔阻所致與無故逞兇
干犯者不同自應援例聲明聽候夾簽該督撫因其

情非救親亦非勉從母命聲明實屬有心干犯核與
定例不符罪關出入應令該督詳核案情妥爲聲敘

具題到日再議

道光十三年說帖

誤傷外祖母身
死應援例夾紮

川督 題王世發誤殺外祖母馮楊氏身死一案查
律載外孫毆外祖母至死者斬又例載卑幼誤傷尊
長至死罪干斬決審非逞兇下犯仍准敘明可原情
節夾紮請

旨各等語此案王世發因總麻表兄馮錫受將伊雛隻宰
殺該犯向其索賠爭鬧馮錫受用刀向殺該犯奪刀
過手復被馮錫受抓住揜按拾石該犯情急用刀戳
去適伊外祖母馮楊氏攔勸該犯收手不及致誤殺
傷馮楊氏左聲殞命查卑幼誤傷尊長至死罪干斬

決之案例惟敘明可原情節夾簽聲請令王世發致
傷外祖母楊氏身死戮由於誤並非有心干犯自應
援例夾簽聲請該司祇於案內聲明尙未允協應請
交司添敘夾簽具稿呈

閱 道光十二年說帖

兄故殺犯尊弟
姪救父毆傷叔

四川司 查例載故殺期親弟照故殺大功弟律擬絞監候又期親以下尊長殺死有罪卑幼之案如卑幼罪犯應死爲首之尊長俱照擅殺應死罪人律杖一百又期親卑幼毆傷伯叔尊屬審係父母被伯叔父母毆打情切救護者照律擬以杖一百流二千里刑部夾簽聲明量減一等奏請

定奪各等語此案何泳詳因幼子何廣沅夥竊伊胞弟何泳相家銀錢衣服何泳相向該犯索賠不允打毀門壁復欲進城捏控該犯持刀行兇與該犯途遇該犯

斥其不應拆毀門壁欲拉投人論理何泳相不依持
刀砍傷該犯右手並割傷二三指該犯奪刀回砍
其左額角何泳相將該犯推倒撲壓行毆經該犯長
子何長壽攔救用木扁擔毆傷何泳相左胳膊等處
鬆手該犯掙起翻壓何泳相身上何泳相被毆並稱
定將該犯父子殺害報警該犯忿起殺機用刀亂砍
何泳相頂心等處斃命該督將何泳詳依期親尊長
殺死罪犯應死卑幼例擬杖何長壽擬流聲明並非
無故逞兇干犯等因咨部查期親尊長殺死罪犯應

死卑幼照擅殺應死罪人律擬杖之例係指殺由公忿並無私讐別故者而言若尊長與卑幼互鬪卑幼將尊長刃傷致被尊長殺死向以其雖有應死之罪殺之者究非激於公忿祇於毆故殺卑幼本例上量減一等科斷不得概援擅殺擬杖之條今何泳詳與胞弟何泳相口角爭鬧何泳相用刀將何泳詳砍斃致傷雖屬罪犯應死惟何泳詳因其嫂罵起意故殺係屬互鬪起釁與激於公忿者不同自應援照向辦成案於故殺期親弟例上量減一等問擬滿流該督

將何泳詳依擅殺例擬杖係屬錯誤罪關出入本部
未便率覆至案內何長壽一犯係因救父情切毆傷
期親尊屬按例應擬流二千里本部夾簽聲明量減
一等奏請

定奪自應專本具題聽候夾簽該督率行咨結亦與定例
不符應令該督另行妥擬具題

道光十三年說帖

聽從父毆叔折
傷加罪止於流

廣西撫 咨閑守提故殺胞弟閑守安身死並令伊
子幫毆暨正犯在監病故一案查律載弟妹毆兄姊
折傷者杖一百流三千里若姪毆伯叔各加毆兄姊
罪一等註云加者不至於絞等語此案閑守提向胞
弟閑守安攔索該父墊用祭費錢文爭毆閑守提之
子閑亞浩走至解勸閑守提逼令閑亞浩毆打閑亞
浩無奈拾杖毆傷閑守安右肋閑守提因閑守安辱
罵忿起殺機拾刀砍傷閑守安咽喉殞命除閑守提
故殺胞弟罪應絞候業已病故不議外閑亞浩聽從

父命毆傷胞叔與聽從尊長共毆以次尊長之例相符照例祇科傷罪該犯毆傷閑守安右肋已至骨斷應依弟毆兄姊折傷者杖一百流三千里姪毆叔應加一等惟本律註云加者不至於絞與諸律所稱罪止杖一百流三千里者其義相同自不得於律外加入於軍檢查本年五月間安徽省咨羅心安毆落胞叔羅中桂一齒先據該省將羅心安依弟妹毆兄姊折傷律杖一百流三千里係姪毆胞叔應加一等其罪已滿流無可復加仍擬杖一百流三千里咨部經

該司駁令於滿流上加一等發附近充軍復經該省
查出道光元年何中沅毆傷胞叔何樂加等止擬滿
流成案咨部請將羅心安仍照原擬滿流辦理經本
部照擬核覆在案今閑亞浩與羅心安情事相同該
省將閑亞浩於毆兄姊折傷滿流罪上加一等擬發
附近充軍似屬未協應請更正改流

道光七年說帖

聽從伊父擦瞎
胞叔眼睛

查聽從尊長共毆以次尊長止科傷罪之例已於
道光十四年奏准刪除此案有加等一節仍存核
浙撫咨刑訓楷擦瞎胞弟邢訓模兩眼一案查律
載姪毆叔瞎目者絞死者皆斬又例載有服尊長毆

卑幼之案如出卑幼觸犯依理訓責及因事互毆邂逅致成篤疾者期親尊長照律勿論若卑幼並無干犯尊長挾有嫌隙非理毒毆致殘卑幼至篤疾者期親兄姊杖一百徒三年仍斷給財產一半養贍各等語此案邢訓楷與弟邢訓模素不和睦有蔡其山之妻胡氏因夫故無依改嫁與邢春狗爲妻邢訓模曾勒分財禮錢三千文嗣胡氏夫弟蔡其鳳回歸查知因未由伊主婚商經邢訓模唆令呈控批訊胡氏以尙有什物存於蔡其鳳家令後夫邢春狗邀同邢訓

直督咨鄭生聽
從伊父主使用
鐵尺毆傷胞叔
牛復應照兇器
傷爲從擬徒仍
按服制遞加擬
軍嘉慶二十三
年案

楷等前往搬取胡氏將蔡其鳳自養小豬三口一併
提回分給邢訓楷等作謝蔡其鳳復與邢訓模相商
邢訓模代爲作詞控縣差拘邢訓楷避匿未到將邢
春狗等集案訊明杖責胡氏收贖離與嗣邢訓楷潛
回因邢訓模唆訟被累起意擦瞎其兩目邀同邢春
狗邢詩貌並令伊子邢紹柄偕往邢春狗將邢訓模
推按倒地邢詩貌按住兩手邢訓模兩脚亂蹬邢訓
楷喝令邢紹柄將兩脚按住邢訓楷用石灰擦瞎邢
訓模兩眼查邢訓楷與弟邢訓模素不和睦且彼此

均非安分之人邢訓楷聽從胡氏搬取什物分受胡氏所搶蔡其鳳家小豬邢訓模代蔡其鳳作詞控胡氏搶物牽控邢訓楷雖非自行告言究有干犯之罪第邢訓楷並非以理訓責輒挾嫌將其兩眼擦瞎實屬非理故殘與依理訓責及因事直毆邂逅致成篤疾者不同似未便照律勿論該省將該犯擬徒斷給財產係屬按律辦理至邢紹柄係邢訓模期親服姪邢春狗邢詩貌均係邢訓模無服卑幼各聽從其按該省將邢紹柄依姪毆叔瞎目者絞律爲從減一等

杖一百流三千里邢春狗等依瞎人兩目爲從律滿
徒係卑幼犯尊長加一等杖一百流二千里均與律
相符案情既屬明晰罪名亦皆允當似可照覆毋庸
議駁奉

批邢訓楷或可照覆伊子邢紹柄助父爲虐將胞叔之
兩眼挖瞎應以爲從論乎天理人心似不爲允

職等

復查律載弟妹毆兄姊瞎一目者絞各依首從法死
者不分首從皆斬若姪毆伯叔父母各加一等註云
如刃傷折肢瞎目者亦絞至死者亦皆斬又名例載

本條言皆者無首從不言皆者依首從法各等語是
卑幼之毆尊長如傷而未死例得依首從論此案邢
紹柄聽從伊父邢訓楷偕往捺贍伊期親服叔邢訓
模兩目該犯因被父嚇逼幫同按脚按律應以爲從
論今該省將該犯依毆期親尊屬瞎目絞決律上減
等擬以滿流核與律例相符仍應照覆奉

批查成案送閱

職

等檢查嘉慶十年山東省咨李立李

狗聽從父命毆瞎胞兄李上林兩目該省將李立等
依弟毆兄瞎目絞決爲從減一等擬以滿流經本部

照覆在案此案刑紹柄聽從伊父刑訓楷偕往擦曉
伊期親服叔刑訓模兩目該犯因被父嚇逼幫同按
脚該省將該犯依爲從擬流核與成案及律均屬相
符仍請照覆

嘉慶十六年說帖

直督 咨季汝列主使伊子季木寬等毆扎伊弟季
汝雲致成篤疾一案查卑幼其毆尊長致成篤疾之
案首犯分別服制擬以絞決絞候從犯照例減等擬
流迨乾隆五十六年刑部題覆河南省賈希曾與胞
弟賈望曾其毆總麻服叔賈高秀致成篤疾案內遵

旨議定卑幼其毆尊長成篤除首犯依律擬絞外其聽從幫毆之犯僅止手足他物輕傷仍依律擬流若有折傷及刃傷者發極邊烟瘴充軍纂爲定例嘉慶六年復將例內聽從幫毆之犯句改爲聽從幫毆之有服卑幼迄今遵行至聽從尊長下手毆傷尊長尊屬至死者例有分別治罪專條其但毆至成篤之犯並無作何加重治罪明文檢查歷年題咨稿內亦均無辦過似此成案復查五十六年原奏內稱如果係尊長起意謀毆勉從下手並無金刃重傷者尙可以爲從

減等擬流等語是例載軍罪一條係指其毆尊長之首從各犯均係卑幼而言詳釋例意卑幼共毆尊長首從各犯同一有心干犯首犯既罪應至死爲從之犯按律載依首從法之條不得不予減等故例內由流罪加至極邊烟瘴用昭懲創若聽從尊長下手毆傷尊長尊屬既迫於尊長之命自有不得不從之情並非甘心下手未便與卑幼共犯尊長之案一例並論此案季汝列係季汝淵季汝雲胞兄季汝列因將伊母停柩之屋爬開居住季汝淵理阻季汝列喝令

伊子季本寬季三將季汝淵毆致傷嗣恐季汝雲
欲控復令伊子季本寬將季汝雲兩眼扎瞎並令季
三毆傷其左臙肋骨折至成殘篤查季三季本寬共
毆胞叔季汝雲成篤係由伊父主使聽從下手與首
從俱係卑幼其犯尊長者不同自應仍依本律分別
首從各科各罪今該省將季汝列依尊長挾嫌故殘
卑幼致成篤疾例擬徒季本寬等依姪毆伯叔折肢
瞎目絞決律上照爲從減等擬流尙屬允協應請照

覆
嘉慶二十二年說帖

挾嫌主令大起
砍傷長姪成廢

截瞎胞姪兩目
成傷

刑案匯覽

陝撫 咨張興因伊子張全祿在伊胞兄張順鋪內
傭工因爭訟事被張順辭逐張興疑係胞姪張全義
唆使所致起意毒毆洩忿臨時復嚇逼張全義之胞
弟張全興刀砍張全義成廢除張全興依刃傷胞兄
爲從擬流外將張興比照卑幼並無干犯尊長挾嫌
毒毆故殘卑幼至篤疾者期親伯叔杖九十徒二年
半例上量減一等杖八十徒二年 嘉慶二十二年案
吉林將軍 咨王仁因向胞姪王立增斥責王立增
不服回響該犯用錐戳瞎其兩目雖非挾嫌有心致

因回殿堂兄誤
傷胞叔成廢

三
臆究與依理訓責致成篤疾不同將王仁依卑幼並
無干犯尊長非理毒毆故殘卑幼至篤疾者期親伯
叔杖九十徒二年半例上量減一等杖八十徒二年
嘉慶二十四年奉天司案

東撫 咨韓悅顏因被堂兄韓連元揪按情急用鐵
尺亂毆不期伊胞叔韓孟剛忽至其前以致誤傷韓
孟剛骨折成廢查誤傷期親尊屬骨折例無明文惟
金刃誤傷期親尊屬應擬絞候將韓悅顏比照刃傷
期親尊屬係誤傷例擬絞監候 道光二年案

欲圖多分家產
謀殺四歲幼弟

此舊例嘉慶六
年已歸併

川督 題王均進砍傷王均連身死將王均進擬絞
監候一案查例載凡兄及伯叔因爭奪弟姪財產官
職及平素讐隙不睦有意執持兇器故行殺害者擬
絞監候仍斷給財產一半與被殺家屬養贍等語推
原例意蓋以事因財產在尊長有挾私殘殺之情故
擬以絞抵雖期親尊屬亦不得依律擬流而財產究
屬祖宗所遺在尊長混行爭奪固屬不合在卑幼毫
無退讓顧卹之情亦屬有罪名義故雖殺出有心亦
罪止緩首不與凡人同科也至若幼小無知弟姪並

無與該犯爭奪之情輒因圖占財產無辜慘殺卽屬
恩斷義絕白應卽遵

聖訓依凡人謀故殺本律定擬不得復援尊長之例此案
已死王均連係王均進同父異母之弟王均進因母
董氏欲將故夫餘產與夫妾張氏均分張氏因生有
兩子欲作三股分派該犯聽聞不甘適見張氏四歲
幼子王均連在凳睡臥起意將王均連致死以便均
分產業隨取菜刀連砍致斃核其情節王均連年僅
四齡童穉無知是該犯有圖產之心而死者無能與

挾嫌毆死胞弟
並故殺其幼子

爭與卑幼互爭產業因而致斃者不同似此慘斃無

辜幼弟實已恩斷義絕應以凡論王均進應改依凡

人謀殺造意律擬斬監候

乾隆五十六年通行已集
例○嘉慶六年歸併一條

山東司 查于作林因無子媳欲繼胞弟于作利長

子爲嗣于作利因先向借錢未給不允承繼彼此挾

有嫌隙嗣于作利因乏柴薪創掘于作林槐樹該犯

向阻于作利以其現無後嗣出言刻薄該犯氣忿向

毆于作利即用鋸迎敵該犯奪過毆其耳輪額顙倒

地時于作利之妻王氏帶同三歲幼子于牛往看該

犯觸起前嫌起意致死其子洩忿即將于牛捧擲身
死于作利旋亦因傷殞命詳核案情于作林係已死
于作利胞兄服屬期親于作利先以伊兄不肯借錢
挾嫌不允承繼嗣復刨掘伊兄樹木出言刻薄並持
械迎毆在于作利本有干犯情事惟于作林既已奪
械將伊弟毆傷倒地復遷怒將其三歲幼子摔擲身
死情節較重但查該犯毆死胞弟罪止擬流其毆死
胞姪若非遷怒致死年幼之姪死雖二命尙不至擬
抵今因其挾嫌遷怒故殺幼姪照凡人故殺律定擬

胞叔胞兄圖用
財禮謀殺卑幼

斬候似可昭戮

乾隆六十年說帖

北撫 咨周志誠等謀殺胞姪周四並周志誠自縊
一案此案周志誠係周四胞叔周興係周四同父異
母親兄均已分居嗣周志誠因貧商同周興勸令周
四將妻劉氏嫁賣冀得財禮借用周四不允並向村
斥周志誠心懷不甘起意將周四致死以便將劉氏
嫁賣復商允周興將周四謀勒斃命查周興因胞叔
周志誠欲令伊弟周四將妻嫁賣圖用財禮因周四
不允該犯復聽從周志誠將周四勒斃情節固屬殘

惡從胞叔謀死
胞弟

忍惟例內尊長因爭奪財產謀殺卑幼必死者在十
歲以下始依凡論今已死周四年已十九核與被殺
弟姪年在十一歲以上為首之尊長罪止絞候為從
加功之尊長各按服制減為首罪一等之例相符今
該省將周志誠依期親尊長因爭奪弟姪財產故殺
弟姪例擬絞監候已畏罪自盡應毋庸議周興依故
殺弟妹絞監候例上減一等擬杖一百流三千里係
屬照例辦理應請照覆

嘉慶十八年說帖

雲撫 咨趙來用係趙輔堂胞叔趙法堂係趙輔堂

照從難姦之人
謀殺胞弟滅口

刑案匯覽

胞兒均服屬期親今趙來用主令趙法堂趙輔堂
勒死趙來用應照伯叔故殺姪杖一百流二千里趙
法堂應照爲從加功之尊長按服制依爲首之罪減
一等例於故殺期親弟絞罪上減一等擬流被獲服
逃應加逃罪二等罪至滿流無可復加

嘉慶二十五年案

陝督 題岳存弟因與張榆雜姦敗露而謀致死張
三雙子滅口一案查律載謀殺人造意者斬監候從
而加功者絞監候等語此案岳存弟與張三雙子胞
兄張榆雜姦被張三雙子瞥見詈罵並向伊母告知

張榆因姦情敗露無顏爲人商與岳存弟逃走岳存弟起意將張三雙子致死滅口張榆將張三雙子引至莊外與岳存弟將張三雙子狠毆斃命查張榆因姦聽從謀殺伊弟律例內雖無治罪專條惟該犯被姦無恥復因胞弟窺破姦情聽從姦匪致死滅口實屬義絕情摻無復倫理可言該省將該犯照凡人謀殺加功律擬絞監候查核情罪相符應請照覆

嘉慶十七年說帖

尊長殺死爲匪
卑幼分別科罪

殺死已出嫁犯
姦姪女未載殺
死姦夫條

川督 題邵在志毆傷服姪邵樸身死一案緣邵樸
係邵在志降服小功堂姪邵樸素性遊蕩乾隆五十
四年邵樸行竊邵在志家衣物邵在志將贓償還五
十五年十二月初五日邵樸在符璫家借宿復竊取
白布而逸符璫向邵在志告知邵在志亦卽賠贓均
未呈報初九日傍晚邵在志同兄邵在恭將邵樸尋
回搜出原贓邵樸祖母唐氏見而向責邵樸將唐氏
推跌倒地唐氏生氣令邵在志等將邵樸捆縛柱上
待明日送官唐氏進房寢息邵在恭亦出門挑水邵

有志勸其改過邵樸聲言送官並無死罪回家後當
須放火殺人邵在志因其行竊玷辱祖宗復不知改
悔出言強橫一時氣忿起意殺死遂取鐵釘戳傷邵
樸心坎邵樸掙扎該犯又用鋤頭毆傷邵樸頂心偏
左顙門左太陽立時殞命將邵在志依律擬絞監候
等因下等細核案情邵樸行竊爲匪不服祖母唐氏
訓斥將其推跌倒地本屬惡逆逞兇罪犯應死邵在
志若於彼時卽將邵樸毆死隨同伊母告官供明自
可依擅殺應死罪人擬斷今邵在志於伊母唐氏主

擅殺背夫逃走
改嫁弟婦不得
照擅殺應死罪
人擬杖應比照
親屬捉姦殺死
姦婦例同擬案
載妻妾與夫親
屬相毆係四川
余應宗

令捆縛已進房寢息後因其出言強橫起意致死白
與救母當場毆斃者有間固未便卽照擅殺應死罪
人律擬杖致啟尊長殘殺之端惟是邵在志究因邵
橫行竊玷辱祖宗起見事屬公忿旣無挾私別情死
者又係兇逆罪犯應死之人若竟照故殺小功堂姪
律問擬絞候是以致死爲匪兇逆卑幼之尊長與恃
尊恣殺無罪之卑幼一律問擬實不足以重倫常而
懲逆惡似應量爲未減應請將邵在志於故殺小功
堂姪擬絞律上減一等如蒙

俞允臣部將該犯減爲杖一百流三千里並請嗣後有服

尊長殺死卑幼之案總以卑幼之有罪無罪爲衡其

擅殺之尊長應擬罪名悉以被殺卑幼罪之至死不

至死爲斷如卑幼實係罪犯應死確有證據審無懷

挾私忿別情者無論謀故毆殺卽將擅殺之尊長照

擅殺應死罪人律杖一百其罪不至死之卑幼如因

訓誡不悛玷辱祖宗族顏面起見忿激致斃者無

論謀故概照擅殺罪人以鬪殺論悉按照服制於毆

殺卑幼本律罪上各減一等定擬若有假託公忿

復私讐及畏累圖謀各項情節者不得濫引此例

乾隆五十六年奏准通行彙例○嘉慶六年查卑幼罪犯應死有服尊長忿激致斃擬以滿杖自屬允協惟擅殺罪不至死之卑幼例內悉照服制減等語意向屬含混查卑幼偶然為匪尊長逞忿擅殺已失天顯友愛之誼况其中挾嫌貪賄殊難究詰應請嗣後果係積憤怙惡確有證據者尊長因玷辱祖宗忿激致斃始准照例減科至本犯有祖父母父母可以訴知管教而祖父母父母未經起意致死被期親以下親屬起意致死者及雖無祖父母父母而向有至親族屬並未起意致死被疎遠親屬起意致死者此等案情若非挾嫌亦屬多事均仍照謀故毆殺卑幼本律定擬等因修改○十九年因查毆死期親弟妹律止擬徒例文加為流二千里若致死為匪之弟自應按擬流例上減等方無錯誤應於例內添入本例二字

五
故殺爲匪卑幼
應照何文減罪

東撫 咨張玉恭砸死張玉明一案查張玉恭因胞
弟張玉明屢次行竊鄰村雞鴨人所其知該犯向其
村斥不服頂撞該犯因其爲匪行竊玷辱祖宗起意
致死誘至村外用石砸傷斃命死係行竊卑幼例在
減等科斷惟毆死胞弟例應擬流該撫依毆殺胞弟
擬徒律於滿徒上減一等問擬係屬誤會應改依毆
期親弟死者照本律加一等擬流例仍按致斃爲匪
卑幼減毆殺罪一等減爲杖一百徒三年
嘉慶十九年說帖
川督 咨陳以禮因胞弟陳以信屢竊張老么等家

祖護外姻故殺
行竊大功堂弟

衣服以其玷辱祖示起意邀同大功堂兄陳以福將
陳以信捆溺斃命一案查期親尊長殺死卑幼果係
積憤匪徒尊長因玷辱祖宗忿激致斃係無論謀故
悉按毆殺卑幼本律例減一等今該省將陳以禮於
故殺期親弟絞罪上減一等擬流是以應按毆殺律
減等之案仍按故殺律減等與例未符應改依毆期
親弟死者擬流例減一等杖一百徒三年道光六年
說帖
安撫咨程觀喜行竊祝來家首飾被程吉喜等拴
勒身死一案詳核生招程觀喜雖係有罪之人但程

吉喜係元來之事舅住隔五里事後聽囑往拿既非
在官人役又非事主鄰佑與例有應捕之責者不同
況已死程觀喜係程吉喜大功堂弟律得相爲容隱
今該犯聽從妹夫祝來囑託輒將大功弟拴縛因其
辱罵卽乘機謀勒斃命袒護外姻故殺服弟應仍按
服制以故殺定擬乃該撫審照擅殺以鬪殺定擬使
長不睦之風反致擅殺之漸殊與律義不符應駁令
依律改擬

乾隆十五年說帖

川督咨鄭世燦推溺爲匪堂弟鄭世燦身死一案

因玷辱祖宗敘
死爲匪大功弟

此案鄭世學係鄭世燦大功堂兄鄭世燦屢次偷竊
並調戲婦女均經人調處哀息鄭世學等因其屢誠
不悛欲行送先鄭世燦倔强不行並稱將來仍欲爲
匪拖累鄭世學因其玷辱祖宗將鄭世燦推入潭內
殞命查鄭世燦屢次行竊調戲婦女人所共知鄭世
學等因其告誡不悛將其推潭溺斃係因玷辱祖宗
起見鄭世燦並無父母及期親服屬鄭世學係其大
功堂兄服非疎遠該省將鄭世學依尊長殺死爲匪
卑幼於毆殺本律上減一等例於毆殺大功堂弟滿

反殺放火之小
功堂弟

流律上減一等杖一百徒三年鄭世華等照據埋律
擬杖查核情罪均屬允協應請照擬

嘉慶十七年說

河南司 查律載尊長毆小功卑幼至死者絞監候

故殺亦絞又例載兇徒乘尊放火被害之人忿激致
死如殺非登時照擅殺罪人律擬絞監候又擅殺擬
絞應入絞決之案秋審一次後奏明減爲杖一百流
三千里各等語查殺死放火罪人照擅殺問擬之例
係指平人而言若親屬有犯自應各按服制科斷此
案楊遇祿因小功服弟楊四挾伊借錢不還之嫌放

安撫題王鳳祥
因網麻表兄前
洪章挾簪放火
將其推入火內
燒斃照故殺外
姻總尊斬罪上
量減擬流部以
卑幼無擅殺尊
長之條駁令改
擬斬候嘉慶十
八年案

火燒燬麥垛該犯將其捆縛投入火內燒斃楊四同
屬罪人而楊遇祿係楊四小功尊長自應仍按服制
依故殺卑幼定擬今該撫將楊遇祿照擅殺平人例
擬以絞候罪名雖無出入引例究未允協楊遇祿應
改依尊長毆小功卑幼故殺者絞律擬絞監候查係
故殺有罪卑幼應俟秋審時仍照擅殺之例辦理

嘉慶八年說帖○查擅殺於秋審一次減流之例
從前載在有司決囚等第條與戲殺誤殺同條嗣
於嘉慶八年十二月刑部查擅殺案件較多情節
輕重各異擅殺兼包謀故如有心斃命火器殺人
恬埋情狀甚或連斃罪人二命等案原題內下得
不以擅殺定擬秋審擬決一次即准減等不惟無

毆死放火誘毆
之小功堂姪

將放火之大功
弟捆縛陳屍

以戕暴戾之氣恐轉易啟殘殺之端不若仍循舊
例將拒捕成傷有據者擬入可矜於秋審時依例
減等其餘仍俟緩決三次再行一體查辦等因奏
准將例內擅殺二字刪去

東撫 咨劉孝則因小功堂姪劉大德竊麥放火訛
詐尋毆將其毆傷身死係毆死有罪卑幼將劉孝則
於毆殺小功堂姪滿流律上量減一等擬以滿徒

嘉慶二十二年案

東撫 咨劉類氏因期親胞弟類廣清屢向硬借錢
文復因訛詐不遂輒欲砸鍋放火肆行擾害該氏囑
令伊夫將其捆縛致類廣清受凍身死劉類廣清係

聽從伊父毆死
嗜酒逞兇之弟

聽從伊母勒死
行竊為匪胞弟
刑案匯覽

劉類氏期親胞弟出嫁降服大功若將該氏按律擬
流與毆死無罪卑幼無所區別劉類氏應於毆殺大
功弟擬流律上量減一等擬徒 嘉慶二十二年案

直督 咨張成久之胞弟張成遠嗜酒遊蕩屢經伊
父訓誨不悛嗣恃醉頂撞其父經伊父喝令張成久
毆責張成遠持刀拚命向張成久撲毆張成久將其
毆傷身死將張成久依毆期親弟至死擬流例量減
一等擬以滿徒 嘉慶二十三年案

四川司 查期親以下有服尊長殺死有罪卑幼為

幫同族人毆死
怙惡不悛之子

首之尊長於毆殺卑幼各本律上減一等問擬之例
係指期親以下尊長而言至于孫違犯教令即屬有
罪祖父母父母非理毆死律應擬以杖一百本有專
條未便援引期親以下新例再行減等此案徐羅氏
因伊子徐添貴行竊爲匪逼令長子徐添鳴等將徐
添貴勒斃該司將徐羅氏改擬非理毆死子孫律上
減等未免牽混錯誤應請交司照覆至徐添鳴等各
犯該司改照餘人例核與例相符似可照辦
嘉慶七年說帖
陝西司 核咨丁酉顯主使丁造見訓傷伊子丁步

雲身死一案查律載子違犯教令而父母毆殺者杖
一百又例載期親以下有服尊長殺死有罪卑幼之
衆其卑幼罪不至死果係積憤匪徒怙惡不悛人所
共知忿激致死者無論謀故爲首之尊長悉按服制
於毆殺卑幼本律本例上減一等聽從下手之犯無
論尊長凡人各依餘人律杖一百各等語此案丁西
顯主便族人丁造兒等割傷伊子丁步雲右腳腕筋
斷身死該官將丁西顯依主使人毆打以主使之人
爲首照子違犯教令而父母非理毆殺律擬以滿杖

如造見依凡人絞罪上減等擬流查丁步雲強橫無
賴伊父丁西顯將其分居另住嗣因圖產逼嫁孀居
豈嫌不從復設計私賣未成輒乘醉向堂婦混罵嚇
逼實屬怙惡不悛確有證據在期親以下尊長毆死
聽從下手之犯尙止依餘人律擬以滿杖豈有怙惡
不悛之子被父主使毆死轉較聽從期親以下尊長
毆死之例擬罪加至數等比類參觀殊不足以昭平
允該司援引例文請將丁造見等改依餘人律問擬

洵屬允協

道光十一年說帖

謀殺逆倫見幼
從犯亦屬卑幼

浙撫 咨繆慕勲主令繆慎保等勒死罪犯凌遲之

胞姪繆雲孫一案查此案繆慕勲係繆雲孫期親服

叔繆慎保係繆雲孫總麻服姪繆諒孫係繆雲孫總

麻服弟繆雲孫因母老繆邵氏不飲食餅向其吵鬧

繆雲孫輒用繩將母老繆邵氏勒死繆慕勲因繆雲

孫兇逆忿激起意處死令妻繆李氏並繆慎保繆諒

孫幫按手脚亦將繆雲孫勒斃該撫以繆雲孫罪犯

凌遲繆慕勲等將其勒斃例無辜條咨部示覆等因

查期親尊長殺死罪犯應死卑幼擬杖一條例內渾

言應死卑幼所包者廣卽凌遲斬絞同一應死逆倫
爲匪同一犯法不得於死罪之內復爲區分是繆慕
勲殺死罪犯凌遲之胞姪自應按例擬杖不得曲爲
輕減至繆慎保繆諒孫俱係已死繆雲孫總麻卑幼
聽從繆慕勲將繆雲孫勒死雖繆雲孫係罪犯凌遲
之尊長而卑幼向無擅殺尊長之例有犯仍依本律
問擬卽謂聽從殺死行同梟獍之尊長而服制中最
輕之總麻卑幼未便悉予冒抵亦祇可仍依服制本
律定擬酌量比照殺妻之例聲請減流庶於執法之

中已寓矜全之意謹擬稿尾

稿尾

查律載謀殺總麻

尊長已殺者皆斬不問首從又例載期親以下尊長
殺死有罪卑幼之案如卑幼罪犯應死者為首之尊
長俱照擬殺應死罪人律杖一百聽從下手之犯無
論尊長凡人各杖九十各等語此案繆嘉勳係繆雲
孫期親服叔繆慎保係繆雲孫總麻服姪繆諒孫係
繆雲孫總麻服弟繆雲孫因母老繆邵氏不欲食餅
向其吵鬧繆雲孫輒用繩將母老繆邵氏勒死繆嘉
勳因繆雲孫兄逆忿激起意處死令妻繆李氏並繆

慎保繆諒孫幫揜手脚亦將繆雲孫勒斃該撫以繆
雲孫將母老繆邵氏勒死律應凌遲該犯已被繆慕
勳等勒斃應到屍示衆惟繆慕勳等罪無正條例內
尊長致死卑幼一條下文有卑幼爲匪字樣是所謂
罪犯應死係指尋常爲匪應死之罪而言若犯至逆
倫尤不可以尋常死罪概論繆慕勳及聽從幫揜之
繆季氏應否原其忿激之情竟予勿論抑或因其不
行報官致重犯倖逃顯戮酌擬不應輕笞至繆慎保
繆諒孫俱係繆雲孫總麻卑幼聽從幫同揜按查尊

長致死爲匪卑幼例內並無卑幼聽從下手之文謀殺總麻尊長律應不問首從皆斬禮由義起法貴準情自應畧名分而從末減叅觀例內聽從毆斃毆詈父母之期親兄弟一條因死者蔑倫隨本改流亦因倫紀爲重則服制從輕今以總麻卑幼聽從尊長擅殺勒斃母命之人死者之蔑倫旣甚於毆詈從犯之服制更殺於期親以彼例此應格外從寬更無疑義且期親卑幼迫於尊長之命毆斃並未犯罪之尊長傷輕者例內亦止科傷罪期親如此總麻更輕繆愼

保繆諒孫二犯應否酌量問擬不應重杖或北照致
死爲匪卑幼例內聽從下手之尊長凡人擬杖九十
之處咨請部示等因查期親尊長殺死罪犯應死卑
幼擬杖一條例內渾言應死卑幼所包甚廣卽凌遲
斬絞同一應死逆倫爲匪同一犯法不得於死罪之
內復爲區分蓋卑幼雖犯死罪尊長豈得擅殺轉使
展倫兇狠之徒倖逃

國法故例應滿杖而聽從下手之尊長凡人亦僅得減
一等既原義忿之情仍懲擅殺之罪自不得再爲輕

減至此條例內並無卑幼聽從下手之文則其仍照各本律例定擬例意已屬顯然且叅觀他例如卑幼圖姦有服親屬被尊長忿激致死在場幫毆有傷之犯係死者有服卑幼仍照卑幼不得殺尊長之例依毆故殺尊長本律定擬來笈請

旨又捉姦殺死有服尊長及尊長強姦被殺若係本宗總麻仍照毆故殺本律擬罪隨本聲明分別減流則聽從尊長謀殺罪犯應死之總麻尊長其不得輕於尊長凡人逕擬不應置杖亦不比於尊長凡人僅擬杖

九十尤可隅反至聽從毆斃毆詈父母罪犯應死期
親兄姊隨本減流一條係指聽從毆斃而言卑幼迫
於尊長之命毆斃尊長案由下手傷輕之卑幼止科
傷罪一條亦指僅止幫毆而均非有心致死與此案
情節迥不相同况夾簽諸例皆係指定所犯事由及
服制等差辦理更難牽涉惟查卑幼殺死總麻尊長
之案除殺姦之外向無夾簽之例如因尊長罪犯應
死即由貸卑幼謀殺之誅固與名分有乖而總麻服
制最輕若悉抵行同臬獲之命亦與情法未協卽應

無服族長活埋
忤逆應死族婦

仍依服制本律定擬比照殺姦之例聲請量減擬流
庶情法兩得其平而名分益昭慎重應令該撫作速
按據具題

道光十年說帖

江蘇司 查律載罪人不拒捕而擅殺以鬪殺論又
鬪殺者絞監候又例載期親以下有服尊長殺死卑
幼如卑幼罪犯應死者爲首之尊長俱照擅殺應死
罪人律杖一百聽從下手之犯無論尊長凡人各杖
九十各等語此案吳德仁係吳許氏之翁吳均重無
服族弟因吳許氏屢次違犯吳均重教令吳均重因

其並不養贍向斥吳許氏輒肆頂撞並將吳均重趕逐出外吳均重寄信向其子吳修道告知吳修道因生意纏絆未能回家覆信內有投族處治之語嗣吳均重回家吳許氏仍不養贍吳均重赴祠將吳許氏忤逆情由向族衆告知並取吳修道之信給衆閱看後回家抱忿自縊經人查知吳德仁係族內輩分最尊之人往告吳德仁忿激以吳許氏罪犯應死如投保送究往返需時起意將吳許氏活埋致死令吳顯幅等買棺兩口先將吳均重收殮隨令吳許氏自進

棺內吳許氏啼哭延換吳德仁稱欲動手吳許氏隨
自爬進棺內吳德仁等將棺掩釘擡至祖山掩埋旋
被訪獲該撫以殺死有罪卑幼必須至親尊長方准
照例減等若疎遠親屬起意致死均應照謀故殺卑
幼本律定擬今吳德仁激於義忿致死蔑倫肆逆之
犯而與致死尋常應死罪人一律擬以駢首似覺無
所區別可否將吳德仁等於謀殺本罪上量減分別
問擬流徒之處咨請部示等因查尊長殺死罪犯應
死卑幼必係期親以下有服親屬方准依例問擬若

同姓服盡親屬雖尊卑名分猶存至死應同凡論律
例載有明文至擅殺應死罪人之條除有服尊長擅
殺卑幼及官司差役擅殺應捕罪人並各律例內載
明之外其餘皆不准牽引此案吳德仁既非有服尊
長又非官司差捕目不得照擅殺應死之例惟該犯
係族中輩分最尊之人殺死罪犯應死之族婦若概
以凡論照謀殺問擬是將激於公忿之族長而抵罪
犯重辟之人未免情輕法重該撫既將吳德仁等按
謀殺本例又復量減分別擬以流徒亦未允協查吳

應捕人擅殺應
死罪人通行載
殺死姦夫條

德仁雖非有服尊長吳許氏究係罪犯應死且其夫
信內本有投族處治之語其翁生前亦有赴祠告知
之事是該犯等自有應捕之責衡情酌斷自應照罪
人不拒捕而擅殺之律問擬以昭平允應令該撫再
行研訊按律妥擬具題 道光十年說帖

查吳德仁之案似與次伴童大潮情節畧同且應
捕之人擅殺應死罪人道光十三年現有通行與
從前辦理章程有所區分應存俟一併參核

蘇撫 題童連祥之胞兄童在祥言罵伊母致母氣
忿自盡經族長童大潮通令童連祥將童在祥推河

溺斃童連祥應照律問擬凌遲處死死係應死罪人
仍夾竄聲明其童順祥聽從捆縛胞兄童在祥兩足
有傷迨推河致死之時該犯並不在場應照弟毆胞
兄滿徒律爲從減一等杖九十徒二年半童大潮係
童在祥族祖並無服制因童在祥戕倫不孝致母自
盡該犯激於義忿起意逼令童連祥推河溺斃核與
擅殺別項應死罪人迥別且童在祥並無至親期功
總麻尊長祇童大潮爲輩分最尊之人未便僅照疎
遠親屬一例問擬童大潮應比照有服尊長殺死卑

母將爲匪子送
責被族長責斃

幼如卑幼罪犯應死者爲首之尊長照擅殺應死罪
人杖一百例上酌加一等擬杖六十徒一年

嘉慶二十五年案○是年題結重連解改爲斬候

川督 咨羅紹成主使羅九莖等毆傷爲匪無服族
姪孫羅錫華身死一案查例載期親以下有服尊長
殺死有罪卑幼之案如卑幼罪犯應死爲首之尊長
俱照擅殺應死罪人律杖一百若本犯有至親服屬
並未起意致死被疎遠親屬起意致死者均照謀故
毆殺卑幼各本律本例問擬不得濫引此例註云如

有父母者期親以下親屬以疎遠論等語細繹例文
必被殺之卑幼別無至親服屬兇犯實係期親以下
有服尊長方可依例擬杖若兇犯雖係死者有服尊
長而死者尙有至親服屬猶不得濫引此例則無服
尊長殺死罪犯應死卑幼更不能強爲援引此案羅
紹成向充羅姓祠堂族長因無服族姪孫羅錫華素
行遊蕩爲匪屢經其母彭氏送祠堂並伊訓責嗣羅
錫華又竊熊文炳晒穀被獲送交羅紹成轉叫彭氏
等同到祠堂訓責彭氏與夫弟羅九堃羅九發及長

兄弟之妻並非
有服卑幼因其
犯姦而殺仍應
援捉姦之例不
得照指殺有罪
卑幼科斷案載
殺死姦夫條直
隸蘇成會

子羅贊華同往斥罵羅錫華頂撞並將母彭氏推跌
墊傷左臂羅紹成因其屢教不改又敢忤逆喝令羅
九輩等用竹片疊毆羅錫華左右臂膊左右腿因傷
處進風越十八日殞命羅紹成畏罪出給銀四十兩
囑令彭氏頂認驗訊擬詳旋經訪問審悉前情查羅
錫華爲匪忤逆推跌伊母致傷固屬罪犯應死羅紹
成喝令將其毆斃亦由激於公忿惟係無服尊長並
非有服至親自不得牽引擅殺應死罪人之例乃該
省以羅紹成喝令毆死羅錫華爲擅殺應死罪人係

屬輕罪不議依行賄兇犯計贓治罪例擬徒年逾七十照例收贖引斷實屬錯誤至首犯既不得以擅殺應死卑幼科斷則從犯亦不能依餘人擬杖而聽從毆打之羅九莖羅九發羅贊華三犯均係羅錫華期親尊長按兄及叔毆弟姪篤疾至折傷以下律得勿論自應免議該省將羅九莖等依有服尊長殺死罪犯應死卑幼案內餘人例各杖九十亦屬錯誤罪名均開出入應請交司駁令改擬具題

道光八年說帖○九年遵駁將羅紹成照凡鬪因風身死例減流貶獨頂兇加等擬軍業已呈覽應

毆死推跌伊父之胞弟

毋庸議 ○遵駁案載有事以財請求條

湖廣司 查律載罪人本犯應死而擅殺者杖一百等語此案劉元勳因胞弟劉元泰將伊父劉靜安推跌倒地上前喝阻劉元泰卽向撲毆該犯順用鐵鑿鐵傷致斃查劉元泰平素嗜酒強橫伊父屢訓不悛曾於乾隆四十四年送官責處有案今復將伊父推跌倒地是劉元泰逆倫推跌伊父實屬罪犯應死之人該撫將劉元勳依毆弟至死流罪上量減擬徒尙覺情輕法重誠如

毆死頂撞伊母
之胞弟

因被胞弟刃傷
奪刀還擊致斃

鈞諭自應改依擅殺應死罪人律定擬

乾隆五十四年
說帖

湖廣司 查乾隆四十八年吉林將軍咨王恭因胞
弟王幅向母出言頂撞該犯責毆被罵用刀扎傷王
幅身死將王恭照例擬流經本部核覆在案又本年
湖南巡撫咨劉元勳毆死推跌伊父之胞弟該省量
減擬徒經本部改依擅殺應死罪人杖一百咨覆亦
在案此案戴才五因胞弟戴才六強欲索分黃豆並
將飯擅行取食戴才五向其斥罵被戴才六刀砍偏
右該犯奪刀截傷戴才六小腹殞命是已死戴才六

被弟拳毆一傷
州刀回北致斃

刃傷胞兄按律罪應擬絞與王幅之僅止出言頂撞者不同若竟照例擬流未免情輕法重惟戴才五因被弟砍傷將其戮斃究與劉元勳之殺死罪干斬決胞弟有情節有間自未便改擬滿杖該撫於毆死胞弟流罪上量減擬徒揆之情法似屬平允

乾隆五十四年說帖

河南司 查五十四年湖廣省戴才五被胞弟砍傷

奪刀回戳胞弟身死該省量減擬徒本部照覆在案

此案張田因胞弟張忠將牛抵還孫學岱欠項張田

查知 斥責張忠用拳毆傷張田左腮腴張田取刀回

扎適傷張忠致斃是已死張忠先行毆傷胞兄其理
本曲惟查從前辦過戴才五先被伊弟用刀砍傷罪
應擬絞是以該省於毆死本例流罪上減一等定擬
今張忠係屬拳傷罪止擬徒與戴才五毆死罪犯應
死之弟輕重懸殊律例內並無尊長毆死理曲卑幼
作何減等明文本部亦無辦過減等成案張田一犯
該司議照毆死胞弟本例擬流似可照辦奉

批既無例案只可照贖再昨有江西司杜任貴被胞弟
刃傷回扎胞弟身死改擬滿徒一案與戴才五之案

有子又繼胞姪
未便照胞兄論

相同應傳知各司抄存備查

嘉慶元年說帖

陝西司 查劉可魁係劉可芳大功服弟雖自幼經
可芳之父劉德撫爲已子但劉德既有親子可芳生
長在先並非無子立繼者可比若謂其恩養婚配財
產與其卽與同胞無異查例內分有財產娶有妻室
係指義子於義父有犯而言與本宗服制無涉劉可
魁未便照該撫所題依故殺胞兄律凌遲處死應改
依卑幼毆本宗大功兄死者斬故殺亦斬律擬斬立
決乾隆三十六年題准案○照平反節要錄

刑案匯覽卷四十三終